



Kat. Komp.  
589863

BIBLIOTHECA  
UNIVERSITATIS  
ET LANDSCHAFTS

Mag. St. Dr.



Compl

Uc 9718

Chruscinski (Stan. Ad.). Cly-  
peus Serenissimi Joannis tertii, Regis  
Poloniarum... Austriacae domus a  
Turcarum invasione vindicator...  
Brigae, Typis G. Trampii, M DCC XVII  
Petit f°, d.-r. veau.....  
Cet ouvrage est une Histoire généalogique  
de la maison de Sobieski, et se termine par  
un panegyrique du roi Jean.

9139 72  
B.2 8  
ca 574000

40 (20)  $\frac{11 \cdot IX}{17} \frac{2}{17}$



589863

III

Mag. St. Dr.

KZ

177



42  
8

574000

1901. 323


I

Dy Shem



Wojciech

Vor. : Wojciech Stanisław Chrościn'ski.






*Stanislaus Adalbertus Chruscinski*

CLYPEUS,  
SERENISSIMI  
JOANNIS  
TERTII, *11 2*  
REGIS POLONIARUM,  
GENTILITIUM DECUS,  
SARMATICÆ CORONÆ  
PROTECTOR,  
POLONORUM LIBERTATIS  
GEMMA,

AUSTRIACÆ DOMUS A TURCARUM INVASIONE  
VINDICATOR,  
CONTINUO MARTIS LECHICI IN BELLIS USU,  
AD ÆTERNUM GLORIÆ IMMORTALIS SPLENDOREM  
ELUCIDATUS:



SERENISSIMO  
JACOBO LUDOVICO,  
REGIO POLONIÆ ET MAGNI DUCATUS  
LITHUANIÆ PRINCIPI,  
&c. &c. &c.  
AUREI VELLERIS EQVITI,  
CHRONOLOGICA DESCRIPTIONE  
PRÆSENTATUS.

ANNO  
*Quo DEUS incarnatus Scuto bonæ voluntatis Mundum coronavit*  
MDCCXVII.

---

BRIGÆ,  
Typis GODOFREDI TRAMPIL, *15*



CLYPEUS  
JOANNIS

TERTII  
REGIS POLONARUM  
GENITALIUM DECUS  
SARMA TICÆ CORONÆ



589863

III

JACOBO LUDOVICO

REGIO POLONÆ ET MAGNI DUCATUS

ALBERTI VELLERIS FOVIT  
CHRONOLOGICA DESCRIPTIONE

MSI Jag

1971 K2 119 St. Dr.





## DEDICATIO.



Lypeum Serenissimi JOANNIS  
TER TII, Magni & desideratissimi  
Poloniarum Regis, Gentilitium De-  
cus, ac Sarmaticæ Coronæ Prote-  
ctorem, seu veriùs in illo Speculum  
Paternarum virtutum, in Filialem Tuum exhibeo  
conspectum, Serenissime Regiæ Poloniæ PRINCEPS.  
Maximi meritorum ponderis hoc Insigne est, non  
aliis, nisi assuetis Martiali ferro bajulando Sereni-  
tatis Tuæ gestari exoptat manibus, & quamvis  
perennem in Sæculis mereatur æstimationem, nul-  
la tamen ad portandum æqualis manus, nisi Equi-  
tis Aurei Velleris, heroica dextera. Imaginem  
namque Parentis Tui ipso Martis penicillo ad nor-  
mam & exemplar Bellatorum delineatam, quam  
olim quævis hostilitas fenserat & exhorruit, nemo



digniori gestabit palma, præter TE qui vivam Genitoris Tui palmaribus triumphis, in TE expressisti similitudinem; dum in excita, à male ominoso Oriente, bellorum tempestate, triumphales lynceo oculo Patris Tui, vidisti ignes, & post copiosam cruoris Otthomannici diluvium optatam Patriæ donasti Serenitatem, ita SOBIESCIANAM ipso re-ctefactorum lumine repræsentans Lucem, ut in lumine Tuo videatur lumen, & in splendore Gloriæ Tuæ, claritas perennantis famæ elucescat. Resplendet in TE igneum quondam Orientis fulmen, Parens Tuus, in quo, Majestatica quædam Tui visio, spectandam se exhibet, eo gratiori intuitu, dum laureati ex Tartaris & Turcis triumphi, etiam in Persona Tua leguntur. Et quamvis totum planè laudum paternarum Compendium, totusque Martis Patrii in animum Tuum subintravit Spiritus, nihilominus Fons ipse originalis Tuæ lucis es, & magnorum in Orbe Lechico Parens meritorum. Adhuc in Aurora ætatis Tuæ luctatus JACOB Scythica repressisti fulmina, ad cujus vel ipsum nomen Odrysium expalluit Sidus, adultior ivisti cataphræctis in dividuo comitatu vestigiis, cum magno Genitore Tuo per asperas Alpium Noricarum salebras splendida ex fulmine Austriam feriente lecturus Trophæa, ut Author laborum & triumphorum Tuorum extitisses, dumque paterna Bella specta-  
res



res, triumphare post peracta praelia discebas. Æsti-  
mavit hanc Tuam rerum militarium peritiam Cæ-  
sarea Regiaque LEOPOLDI Imperatoris Maje-  
stas, & tota Austriæ Nobilitas, dum in Tui cultum,  
post liberatam Viennæ fortunam, prona ruebat,  
arctiore Affectus vinculo eum detinere laborans,  
cujus succollaneam Virtutem in reprimenda hostili  
aggressionem experta est. Ideoque post expugna-  
tum Strigonium, post captum deditione Sicinium,  
laureatus Victor cum Parente Tuo in Patriam con-  
tendeabas, ut festum Victoriæ celebrares. Sed vix  
Patriæ attigisti limen illico TE Budziacensis, & Ca-  
menecensis evocavit arena, in qua dum suis muni-  
tionibus confusus hostis, nusquam appareret; sta-  
tariam evitando pugnam cum ipsis Coelorum inju-  
riis luctatus es, ut post triumphatos hostes, ex TE  
ipso superato triumphum dares Patriæ. Adolefce-  
bat interim & Ætas & Gloria Tua, quæ Orbem per-  
vagata in omnium corda, in singulorum affectus,  
TE insinuavit. Inde non tam Regiæ stirpis nomi-  
ne, quam Principe regalium dotum Tuarum Fata  
intima cordis penetralia Serenissimæ HEDWIGIS  
ELISABETHÆ AMALLÆ, Palatinæ Rheni ex  
Principibus Neoburgicis, Serenissimorum PHI-  
LIPPI WILHELMI, Electoris Palatini Rheni, &  
ELISABETHÆ AMALLÆ, de Domo Land-  
graviorum Hassiæ Darmstadiensium, Conjugum le-



Etissimæ Filiæ occupasti, quæ tot Principum &  
Ducum sepositis amoribus, Tibi Cordi suo, ani-  
mam & vitam felici devovit Hymeneo. Et quan-  
quam nexus hic cum AUSTRIACA DOMO, non modi-  
cum Tibi obfuisse videretur, ne post PARENTEM  
Tuum Sceptri Polonici fieres Candidatus, averfis  
exinde, imo contrariis Galliæ animis, nihilominus  
infesta illa, Tuis Virtutibus studia & consilia, ea  
Æquanimitate sustinuisti, ut novum ex Te ipso,  
Tuaque modestia parturires triumphum, Victrici-  
bus laureis contentus, quas SOBIESCIANA fer-  
reo stylo plantavit dextera. Subibat nempe genero-  
sum animum Tuum illud aureum Libertatis Polonæ  
decus, quo Gens hæc, bellica fortitudine a tot Sæ-  
culis celebris, in tantum Magnanimitatis provecta,  
ut quosvis Patriæ Cives, non modo Regum suo-  
rum Electores; verum etiam Regno capeffendo ac  
portando pares & idoneos hucusque producat,  
cum quibus Imperatores, Reges, Principes, ac Du-  
ces Orbisque Christiani potentissimi Dynastæ in  
arenam Candidati descendere non erubescunt, imo  
sibi honori ducunt, haud ignari Civium quondam  
Romanorum æqualitatem, Genti Polonæ confor-  
mem, ad id fastigium Gloriæ olim pervenisse, ut  
Regum Diademata, Reginarumque Connubia in-  
fra nominis sui magnitudinem ponerent. Sola æ-  
qualitate pretioque libertatis celeberrimi. Ex hoc  
igi-



igitur Aquilæ Sarmaticæ nido, Tibi evolanti Pullo quantumvis ad Gloriæ honorisque Sacrarium, fatis superque suffecisset, intra finum, & Equestre fastigium Gentis Polonæ nasci, nihilominus avita majorum Tuorum Virtute ex Ducali stirpe, Regioque collateraliter sanguine prodeuntium, parta decora, clariorem Te, nec tamen æqualitati aut Libertati injurium prodidēre. Laborante enim post Facta Magni Parentis Tui, perniciosis Civium dissidiis Republica Polona, oblatum Diadema, quod scissæ studia in contraria Partes, fatali discordia, & exitiosa æmulatione dissolvebant, plusquam heroa mente recusare maluisti, quam innocens Regnum, avido potiundi ambitu, interventuris calamitatibus objicere, quarum vel penitus pro tunc, amovendarum, vel saltem pro virili præveniendarum maxima Tibi inerat cura. Dumque iterum, atque iterum, in ejusmodi rerum statu etiam per validiora suffragia impensius sollicitareris; id ipsum Tibi ad renuendum obstitit, ne disunitis Civium animis, neque libertati in lapsum ruenti, exuto Pacis ac tranquillitatis publicæ amore præesses. Et dum Te ipsum hic viceris, dum regnare sollicitatus merueris, nihilominus studio boni publici famulantem Fortunam infra magnanimitatem dignitatemque Tuam habueris tenacem libertatis Polonæ: imò innatum erga illam Affectum, cunctis ambitibus flagrantior



commonſtraſti. Unde quotquot conſtantis animi  
ſolidæ Prudentiæ, & ſummæ æquanimi-  
tatis Tuæ cernuntur Specimina, quotquot egeſta ex hoſti-  
lium cumulis cadaverum numerantur Monumenta,  
tot ſunt æterna Tuæ SERENISSIME REGIE POLONIA-  
RUM PRINCEPS Gloriæ in Sæculis perennaturæ mu-  
nimenta, quæ ad genealogicam Domus Tuæ Li-  
neam: cum ipſe non modico ſtudio ac profuſa libe-  
ralitate ex Archivis tam Regni Poloniæ, quam  
actis Curialibus, publico commodo deſtinatis, ſedu-  
la indagatione eadem depromi procuraveris ſcri-  
ptis & documentis per authentica Exemplaria ſuo  
in loco etiamnum extantibus, rei que veritatem  
indubiam probantibus arbitrio Prudentum ſpecta-  
re ac pertinere dignoſcuntur.

## REGIÆ SERENITATIS VESTRÆ

*DEVINCTISSIMUS, OBLIGATISSIMUS ET HUMIL-  
LIMUS SERVUS*

STANISLAUS ADALBERTUS CHRUSCINSKI,  
SECRET. REGIUS.



S



Tr  
An  
ſu  
et  
Le  
ti  
A  
&  
re  
tu  
m





HISTORIA CHRONOLOGICA  
SERENISSIMÆ  
SOBIESCIORUM  
DOMUS.



IOANNES TERTIUS;  
Poloniarum Rex, patritiam Originem à SERENISSIMA SOBIESCIORUM Profapia; gloriam & immortale in sæculis Magni Triumphatoris nomen, à propria accepit virtute. Antiquorum Heroa Soboles Bellatorum, Majores suos maximis, aut æquavit, aut superavit rectefactis. Ad Regalem Poloniæ purpuram & aureum Lechi diadema natus, summum Augustæ Majestati pondus & gravitatem, à ferro addidit Martiali. Assurrexit hæc magnarum grandis Aquila alarum, & ex nido Sarmaticæ Aquilæ evolavit. Ortus Serenissimæ illius Domus, à pleno heroicarum virtutum incepit meridie. Primum infantilis gloriæ mane, Illustrissimorum Ducum & Heroum illu-

C

mi-



minata Splendoribus, SOBIESCIANA non habuit genesis, quam semper in suprema luminum auge constitisse Europeus Orbis spectavit admirator. Hinc JOANNES TERTIUS ipsis Originis suæ Primoribus Magnus, rerum gestarum gloriâ Maximus, & à Gentilitio Sanguine, & à cruento Bellonæ Sago, ad Lechicam purpuram exitit Candidatus; ab illoque SERENISSIMA SOBIESCIORUM Domus, tanquam ab Augustissimo Nepote, per sæcula succedente meritis & æstimatione cumulata, in Regiam stirpem exorsa est.

Heroicam illius propaginem ipsis Lechiæ Autocratoribus, non longè coævam & initia Principatus, & rerum gestarum series, & historiarum monimenta perhibent. Lechus namque primus, Regni Polonici Conditor, hanc plagam septemtrionalem, ab oriente complexus, ab Aquilis, Nidum, à se ipso Principatum orsus, ubi harum alitum plures, in una eademque loci Vicinia nidificantes, casu forteque reperit, omine ab illis sumpto, Gnesnam Civitatem, Sclavonico Vocabulo, nidum designantem, nunc Archiepiscopi Gnesnensis Primatiam Cathedram, sedem sui Principatus extruit, bellis postea Vicinarum Gentium exagitatus, Victoriis & accessu regionum opulentior ampliorem Successoribus relinquit Principatum. De Filiis ejus rudis pro tunc sæculi, nullâ in historiis memoriâ extante; Vissimirus Nepos, secundus post ipsum in numero ponitur, qui Danicis proeliis Victor, opulentis ex  
hoste



hoste triumphato manubiis auctus, Urbem Danti-  
scanam, vulgo Dańsk, quasi à tributo pendendo  
appellatam, & Vismariam, nomen Conditoris re-  
ferentem, tanquam binas trophæorum suorum  
Columnas, novus Lechorum Hercules fundat.  
Fortè tunc per liberam æqualitatem inviso Princi-  
pum dominatu, seu prævalente Populorum poten-  
tia, ad Duodecim Viralem potestatem, more quon-  
dam Romano deventum est, quæ in electos Pala-  
tinos duodecim confociata, pluribus annis hoc re-  
gimen sustinuit, namque Uno è Vivis sublato, al-  
ter substitutus gaudebat gubernio, donec etiam  
hoc Aristocratiae genere fastidito, rem iterum ad  
unum deferri placuit. Ergo Gracchus seu variante  
Chronologorum certitudine, Cracus vocitatus,  
Lechicæ, Monarchiæ susceptis habenis, Urbem  
Craciam nunc Cracoviam dictam, à suo erigit No-  
mine, dominatusque sui Metropolim, postea verò  
Regum Poloniæ Coronatricem, ac Sepultricem  
pronunciat; Arce in Monte Vavelo ad memoriam  
posterorum gloriosè extructa, sub cujus antris ni-  
dulantem draconem, populisque ac Regioni noxi-  
um, exquisito veneno suffocat; ipsemet tumulo  
terreo, ut etiam nunc apparet, Cracoviam propè  
illatus. Filio ejus natu majore in Successionem à  
Patre destinato, Fratre verò suo; Lechus secun-  
dus, Graci secundo genitus, rixis & collisionibus,  
deinde occultis fraudibus interempto; fratricidali  
manu Imperium capeffivit; exosusque, quibus  
præesse voluit, Sede Ducali detrusus, ingloriè de-  
cessit,



cessit, posteris non primum documentum, raram  
esse Fratrum concordiam. Soror ipsorum unica,  
Craci gloriosa soboles, Vanda dicta; successioni  
Fratrum, Gentisque Lechææ regimini admota,  
non acui, non telæ, non fuso, ex natura obnoxia;  
ubi Rytygerum Germaniæ Principem; castimo-  
niam suam, quam Diis devoverat, importunè pro-  
cantem, aliter exspem voti facere nequit, bello  
reprimit, ac fugat, dominaturumque perhorre-  
scens hymenæum, Numinibus suis impolluta, equo  
generoso viriliter infesso, regalique ornatu compta,  
de ponte sublicio, ad Graciam Urbem in flumen  
infilit, eique nomen Vandali, seu Vistulæ facit,  
tumuloque terreo, quo enavigata mortua operi-  
tur, Abbatia Claræ tumbæ quam propè sepulta,  
cognomentum dedit.

Nulla Principum restante Successore, iterum  
duodecim Viralis renovata potestas, Palatinis diu-  
turno tempore, & ante, & post Christum Natum,  
supremum administrantibus gubernium, multaque  
factorum, quâ pace, quâ discordiis & simultati-  
bus, populorumque gravaminibus serie cumulâtâ,  
ad Præmislaum dexteritatis heroicæ Principem,  
& Virum ex nomine, quasi de gloria cogitabun-  
dum, Imperium delapsum, qui ob memoriam pri-  
mi Lechiæ Conditoris, Lesco primus vocari voluit.  
Ex ejus lumbis succedens Lesco secundus, & ad  
Lechum primum, suam collateraliter referens ori-  
ginem, & Paternis & Abavialibus insistens vesti-  
giis, strenuè quâ belli, quâ pacis Virtutibus com-  
missum



missum sibi administravit Regimen, donec irruentibus in suas ditiones Moravis, exigua non sufficiens Virorum manu, corticibus ex arborum truncis detractis, atque in Speciem Virorum, longo ordine per querceta sudibus obductis, ac in acie situatis, terrore illo, ac si numerosi exercitus, Victoriam & prædam extorsit.

Successit illi Lesco Tertius Filius, stadio Olympico, non jam inter Romanos Hypodromos; sed in campo propè Cracoviam patenti, Ducalem affecutus Mitram. Ab hoc igitur prima Sanguinis SOBIESCIANI Origo, rectâ in Janinos descendit lineâ. Septimus hic à Lecho primo (duodecim Palatinorum per alternas vices in Polonia regentium & Vandæ, excluso dominatu) Orbis Sarmatici Princeps, Regnum quod à Majoribus suis, arctis compendiatum Limitibus acceperat, innata dexteritate fecit maximum, cum Ferro & Marte, ampliores illius terminos dilatavit. Multiplici liberorum prole beatus, quamvis tunc, cum delusa gentilium erroribus Deorum Polonia, maledictis turpi idololatriæ cultu serviret Numinibus; Dominum tamen semper gerens animum; adjunctas Lechicæ Monarchiæ Provincias, pulcherrima in Filios partitus divisione. Popielo, natu maximo, regendas utriusque Poloniæ commisit habenas. Pomeraniæ Boleslaum, Barvinum, Bogdalum, præposuit gubernandæ. Inter Casimirum & Uladislaum, Cassubiorum æqua lance divisit Provinciam. Regno Serbiæ, Saxonæ, Jaxam & Siemianum,



num, Supremos imposuit Gubernatores. Sobieslaum Lymæ, seu Limburgi Principem nominavit; qui Urbem Dalem, seu Dalemburgum erexit & condidit. Uratislaum & Spicimirum Ramæ, seu Rugiæ Principatu donavit. Prybyslao, Cessimiro, Otthoni, Ditvoniam, seu Lusatiam, cum aliis partitus est Dynastiis. Premyslao, Zemovito, & Zemomyslo, Marchiam Brandeburgicam: Vislao Magdeburgum: Vissimiro, Vismariam: Sbigneo, Bucowiciam, & omnes illas oras Pruthenicas, in absolutum commisit Regimen, quos postea magnarum Arcium, & Urbium finitimarum, Rathiboriæ, Mekielburgi, Sverini, Gilo-viæ, Rostochiæ, Verlæ seu Verdæ, Teszyni, aliarumque, uti in Vestphalia, Minden, Limburg, Dillemburg, unde Principes Nasoviæ; famosos Conditores, Orbis Europæus fuit admiratus. Postquam autem major natu Popielus tam heroico sanguine cretus, inertia & desidia Regimen finivisset, Popielus secundus, paterno dominatui succedens, Civitatem Bremam circa Annum Christi Domini 530. fundavit, dein ob tyrannidem in Cognatos suos, Populumque exercitam funesto & inaudito per Mures consumptu, ex lacu Goplo ad Krusviciam invalescente, suis cum Successoribus inglorie decessit. Hinc reliqui Principes, Lesciano sanguine oriundi, justo metu, ab Imperio Regum Polonorum desciverunt, atque à Polonis sejuncti oris, Germanicis adhæserunt ditionibus.

SOBIESLAUS attamen Regius Princeps Limburgi



gi & Inclytissimi SOBIESCIANI nominis, totiusque Nobilissimæ Janineæ Prosapiæ Principalis, & prima Origo, Dux Bohemorum factus, cum Olympia, Principis Bojorum Filia, Artemium ex Augusto thoro suscepit filium; qui Fratribus Patruelibus unionem cognati Regni Lechici deferentibus, ditiones Paternas pacis bellicque industriâ auxit, jamque Regnante feliciter in Polonia PIASTO, & plus quàm uno superstite Sæculo; cum Ludgarda, Thuringiæ Comite, præter femineam sobolem, in Anno, post Christum natum, Sexcentesimo, Otthonem & SOBIESSIUM seu Sobieslaum gloriosorum par nobilissimum filiorum procreavit. OTTHO postquam in maturam Annis & Virtutibus adolevit ætatem, Augusto, Romanorum Imperatori, Arnolpho, individuo adhæsit comitatu, & bello Cæsariano contra Svatoplugum, Slavorum Regem, supremus præfuit Polemarchus, eumque cum toto exercitu, ambigua diu alternas vices variante fortuna, tandem cruento Bellonæ delevit Chalybe, ipse quoque postea Hungarico prostratus Marte, consueta magnanimis Heroibus Marte in campo occubuit præliari. SOBIESLAUS vero Germanis, Pomeraniæ oras, arces, & oppida Posterorum Lesconis Tertii, hostili prædatione diripientibus, Fratrumque sibi malè cohærentium odia pertæsus, in Patrium Poloniæ descendit solum, ubi Ziemovito, & Lesconi Quarto, ac demum Ziemovito seu Ziemomyslo, Piasæ Gentis Principibus, sese adjunxit, quorum singularibus ob



impenfam fidelem in bellis & consiliis operam, cum-  
mulatus favoribus, Magistri Militiæ Polonæ no-  
men accepit, atque ex Methodia, Lesci Quarti Fi-  
lia, Svetoslaum unicum generavit Filium. Hic  
Puer pulcherrimis animi & corporis dotibus exor-  
natus, in Curiam Principis Ziemomysli, Filii Lesci  
Quarti, Anno Domini 913tio accitus est, & cum  
MIECISLAO Ziemomysli, Prole Regia, ut Prin-  
cipe dignum erat, educatus, crevit usque ad Regi-  
men MIESLAI; qui Princeps, post relegatas gen-  
tilis thori septem concubinas Christianorum suasio-  
ne Polonorum, DABROWCAM, Christianam Regis  
Bohemiæ filiam, sociam thori, & Regalis solii duxit.  
Cumque naturali privatus Lumine, materno in pu-  
blicam lucem effusus fuisset utero, vivente adhuc  
Ziemomyslo Patre, & cum Proceribus suis pro  
tunc convivante, repente ad extaticum omnium  
stuporem, lumen Coeli serenatis ad videndum con-  
spexit pupillis.

Postquam verò ante celebratum cum DABRO-  
WCA Matrimonium lustralibus Baptismi fuit ablu-  
tus aquis; totum Regnum Poloniæ, & Svetosla-  
um cognatum suum, in admirabile Fidei Ortho-  
doxæ Lumen induxit, eodemque Svetoslao Adju-  
tore, multas Deo Ter Optimo, Maximo extruxit  
Basilicas, cursumque Principatus sui ad Annum  
nongentesimum nonagesimum octavum vivendo  
perduxit. Svetoslaus quoque, Comes Limburgi-  
cus, ductâ in Consortem Zemislavâ Ducis Mazo-  
viæ Filiâ, Joannem procreavit, eumque prius or-  
tho-



thodoxæ Fidei rudimentis initiatum, tandem ad agenda fortia admovit, qui in Bellis Rufficis & Bohemicis individuus cum Patre Comes, cor & manum ad bella diuturno usu exercuit. Magnæ indolis & gigantei animi hic gratiofus JOANNES, quamvis ob brevitatem corporis, à suis commilitonibus dictus fuisset JANIK, Maximos tamen & fortiter gestis, & gloriosè exantlatis in arena Martis operibus adæquavit Heroes, & postquam Anno Domini Millesimo octavo, sub BOLESLAO Chrobri, Primo Regni Poloniæ coronato Sanctissimo Rege, præclaros virtute & factis æquavit Viros, Supremusque Exercituum Dux, Marte & Ferro in latepatentes Lechicum Imperium dilatavit limites, ad perpetuum æternæ Famæ documentum, aheneas in ripis Maris nigri, & Balthici, deinde in Sala, Saxoniae fluvio, infixit Columnas. Heroica namque JOANNIS magnitudo, amplissimis terræ non potuit comprehendere finibus, nisi illius vestigia ferrea, etiam æquoreis impressa undis apparerent. Positis igitur Terminalibus ejusmodi Lechici Imperii Obeliscis, ad prima Regni munia, à piissimo simulque potentissimo Rege, BOLESLAO Chrobri, exaltatus, pro signo aviti sui Stemmatis & æterna, fortium operum memoria, scuto coloris violacei in Campo rubeo, Coronam desuper & pennas pavonicas gerente utebatur, quod Gentilitium Decus à glorioso ipsius Nomine hucusque Janina appellatur, omnesque eodem insignitæ Clypeo Familiæ, in Polonia Ja-



ninowie, seu Janini dicebantur, donec tandem triginta & sex ortæ ex Origine Janinorum Domus, præter commune Janinorum Nomen, à propriis ditionibus & prædiis vocari inceperunt: testantibus id Chronographis, Bartholomæo Paprocio, in Theatro seu nido Virtutum, Joachimo Bielscio, Cromero de Origine & rebus Polonorum, Simone Okolscio, libro Stemmatum Sarmaticorum.

Interea annis & claris in Patriam consummatus meritis JOANNES, postquam omnia, pro gloria & Lechico strenuè egisset Imperio, ipsam etiam in cataphracto Bellonæ sinu egit animam. Ejusdem tamen nominis & heroæ Successorem Virtutis, ex MARGARETHA Fürsztemborg, Comite Stetinenfi, susceptum Filium JOANNEM, Janineæ columnen, & grande decus Profapiæ reliquit, qui propter præclara & sua, & sui Genitoris merita, à MIECISLAO, Boleslai Chrobri, filio, Anno salutis nostræ millesimo trigesimo, honorifico Celsissimi in Bialutowice Comitatus titulo fuit adornatus. Ad hanc promotore MIECISLAI favore sublimatus dignitatem, sociam maritalis vitæ HEDWIGEM, Comitem Holstynensem, Regis Daniæ cognatam accepit, tresque fortitudine & pietate nobilissimos in lucem produxit Filios, Andream, Jacobum & Petrum. Horum florida juvenus sub Miecislao eviruit, adolevit sub CASIMIRO Exmonacho, Rixæ filio. MIECISLAUS enim secundus consummatis Regni sui novem annis, fatis cessit, & triste Septennalis Interregni interstitium, dissidentibus

ad



ad invicem in Rege eligendo reliquit Polonis. Invitatus itaque ad Regalis Solii Lucem ex Asceticis Cluniacensis Monasterii tenebris, CASIMIRUS, Diaconus Sacramento Religionis, & ordinis, à Summo Pontifice absolutus, hæreditarium, Anno Salvatoris Nostri millesimo quatragesimo primo, assumpsit Sceptrum, atque post tot æumnas, & tempestates, quibus diuturno Interregni tempore obnubilati involvebantur Poloni, amœnam cum optata Pace, Majestati & toti Regno invexit Serenitatem. Andreas verò Janinus in Bialutowice. Comes, CASIMIRI, Primi Regis Poloniæ, castris præfuit, & felicissima contra Moravos, Prussos Jazyges, prælia magnanimus gessit Triumphator, tandem magnus Poloniæ Scipio, Supremus nempe Mareschalcus duo Lechici Regni fulcra, SOBIESLAUM & GEORGIUM ex Anna Granowska, Russiæ Palatinide, susceptos artium liberalium & militarium instructos disciplinis, Sarmatico ad defensionem Regno gloriosos reliquit Successores.

Postquam vero BOLESLAUS audax, sacrilegâ Divi Stanislai Cæde totum Poloniæ Regnum, & omnes ad perpetuum Nominis sui pudorem contaminavit Victorias, tinctamque innocenti Sanguine ex Regalibus humeris deposuit purpuram, nec amplius cruenta Sceptrum voluit gestare dextera, atque, Anno Domini millesimo, octuagesimo primo, ad Amicum LADISLAUM Regem, in Hungariam secessit, ibidemque sive alio quocunque interitu, sive (ut multi volunt) poenitens



ignotus in Monasterio quodam, dies vitæ suæ finivit, prout Sarniccius suis testatur Annalibus lib. 6. fol. 232. ULADISLAUS primus Hermannus regium Diadema, multis totius Nobilitatis obsecrationibus emollitus, augusto imposuit Capiti. Rex tamen ob metum Fratris, quem adhuc superstitem arbitrabatur, appellari noluit, Romanoque ad titulum Regii honoris obstante Interdicto, Hæres Regni Polonorum vocari elegit. Non diu tamen post Sanguinarium Regem, Boleslaum Audacem, pacifica fuit Uladislai Hermannii Majestas. Inundaverant enim totam Poloniam variæ & turbidæ Bellorum tempestates. Hinc Roxolanus suspectæ semper fidei Gradivus, inde Prutenorum, Pomeranorum, & Bohemorum undequaque irruentes Exercitus, ferro & igne, Regnum Poloniæ populantes, solas Populis ex fumantibus bustis relinquebant favillas, donec SOBIESLAUS & GEORGIUS, Janini gemini, in clypeis Soles refulserunt. Ducem Leonem, ambo Leones magnanimi nacti, Sieciechum Toporeum, Palatinum Cracoviensem; in primos Martis adversi assultus, strenuo iuère impetu, dumque à mane usque ad noctem pertinax cum Pruthenis & Pomeranis arderet proelium, inter focias contrariæ Bellonæ mortes solito, Bellatoribus casu, nulli nisi solis gravis hostibus cecidit ad Drenum, usitato vocabulo Drwęcam, fluvium, GEORGIUS, fæcundus magnorum Parens triumphorum, nullam tamen cum Alexandra Olesnicka prolem reliquit. Maxima Heroum proles



les gloria, quam ex ipsis hostium parturiunt mor-  
tibus. Uno tamen extincto per ignes Martios  
GEORGIO, alter in clypeo refulsit SOBIESLAUS,  
qui post fata ULADISLAI HERMANNI Anno mille-  
simo centesimo secundo, è Vita mortali ad im-  
mortalitatem translatus, in Exercitu Gloriosissimi  
Regis BOLESLAI Crivousti varios indefessa for-  
titudine in arena Martis exantlavit labores.

Mutuum quandam armorum conspirationem  
adversus Poloniam fecerunt hostes, ut eam ad ul-  
timum deduxissent Exspirium. Moravus moræ  
impatiens, feroci impetu in Sarmaticas inveheba-  
tur acies, hinc præcox Bohemus, inde validior Ger-  
manus, unitis viribus Sarmaticorum Heroum pe-  
tora excidio involvenda tentabant. Urgebat, &  
ad meliores animabat ausus, præsentia HENRICI  
Imperatoris; sed qui per bellicos arietes optimam  
sperabant prædam, ipsimet in Campis Vratislavi-  
ensibus succubuere, & loco, in quo profligati sunt,  
Nomen Canini Campi ad memoriam dedere. Si-  
nistra hæc illorum fors, à dextera Victrice SOBIES-  
LAI cecidit; Brevem sui audaciam imò cupidam  
pro tunc tributi Polonis imponendi mentem, fera-  
li Clade sua eludi advertit hostis; longa vero Tro-  
phæa, prolixus in labore Martiali numeravit so-  
BIESLAUS, qui Imperatore HENRICO ab infausto  
in Silesiam revertente proelio, recenti adhuc pro-  
fligatorum hostium sanguine madens, Senatoriam  
à BOLESLAO Crivousto accepit curulem, Palati-  
nusque Podoliæ factus, geminis ex munifica Re-



gis dextera Lublinensi & Lukoviensi dotatus extitit Præfecturis. Vir hic plane in Castris natus, scientiâ militari à primis eruditus annis, ab ipso Martis igne clarus evasit, & quamvis sæpe, ab Anno millesimo centesimo decimo, usque ad Annum millesimum centesimum quadragesimum, in quinquaginta Proeliis, Rege semper Victore, supremus rei bellicæ præfuiſſet Præfectus, Bellis tamen triumphorum pacifica solennitate terminatis, ultimam ad excolendum patrium Solum apposuit manum. Non semper enim bellatrix Heroum Dextera, capulum militare, & gravem, ad æternum Gloriæ pondus operandum, Armaturam portare debet, miscenda sunt bellicis laboribus domestica Negotia. Ad eradicanda igitur cessante bello, SOBIESLAUS in Palatinatu Lublinensi conversus Nemora, pulchram Successoribus cæpit venari gloriam, dumque umbrosos everteret è solo Lucos, in Lucem publicam hæreditarias exposuit Ditiones: Nominaque locorum & pagorum, à SOBIESLAO & SOBIESSIO Principibus, Gentis suæ Antecessoribus voluit appellari, utpote SOBIESSINUM & SOBIESKA WOLA, una cum Oppidis ex nova plantatione erectis. Quærenda erat tam digno necetenda Viro, tantæque in Orbe Lechico fortunæ, par dotibus naturæ & fortunæ ad-vitalitia Confors. Sed ipsa Amici Regis suafione, inter Illustrissimas inventa ceras, Comes de Tęczyn, CATHARINA Palatinis Cracoviensis, quæ sicut Vitis abundans in lateribus Domus SOBIESLAI, qua-



quatuor (præter fæmineam sobolem) Filios pro-  
duxit: Alexandrum, Vitoslaum, Constantinum  
& Adalbertum. Pulcherrimus hic decoræ prolis  
quaternio, in gloriosos procedentibus annis excre-  
vit Heroes. Omnes namque patrio Marti vitam  
& animas, audaci litantes oblatione, sub Regibus,  
ULADISLAO, Anno millesimo centesimo quadra-  
gesimo primo, ad septimum, & BOLES LAO Crispo,  
in Anno millesimo quadragesimo octavo, ad se-  
ptuagesimum usque tertium, regnantibus, (ULA-  
DISLAUS enim propter exercitam in Fratres ty-  
rannidem, summasque innocentis populi oppres-  
siones, Regno expulsus est, & privatus) contra  
CONRADUM, Romanorum Imperatorem, Boles-  
lao Crispo infestum tunc bellum inferentem, &  
Uladislaum Exulem, in Polonum inthronizare so-  
lium molientem, tum contra Roxolanos & Du-  
ces Kiiovienses, militares in campum Martialem  
copias, animosi duxerunt Antesignani; dumque  
præcocia CONRADI Imperatoris intervenirent fa-  
ta, Successor Imperialis throni FRIDERICUS, U-  
ladislaum exulem vi & armorum metu in Lechi-  
cam reintducere conabatur Majestatem, sed JANI-  
NEÆ Duces Prosapiæ, Imperatorem, cum con-  
sumpto inedia exercitu, famescientem, ad ineunda  
cum BOLES LAO Crispo pacis fædera jubentibus  
armis compulerunt.

Æstimavit justo Regalis judicii pondere gravia  
in Majestatem JANINORUM merita BOLES LAUS  
Crispus, & parem heroicis facinoribus ex augusto



Throno refundens gratiam, atque gratitudinem, Alexandrum in Senatoriam Palatini Callisiensis evexit dignitatem, & solennibus Nuptiis cum Constantia Zebrzydovia, Castellanide Cracoviensi, conjunxit. Consummavit interea numerosis computatos triumphis vitæ suæ annos, BOLESLAUS Crispus, cui in regium MIECISLAUS Senex, à maturitate morum & gravitate, eo nomine appellatus, successit folium. Verùm rubeo regnatricis purpuræ colore efferatus, decoras in luce Solii crudo Regimine obscuravit virtutes, ideoque non proficientibus Senatorii & Equestris Ordinis monitis, à Regno exulare coactus, ex crudeli Sceptrum, unicum Clementiæ insigne, dimisit dextera. Nemo violenta manu diu Imperium tenuit, nec quispiam benè portavit Sceptrum, qui nimis compressit.

Post exutum regali purpura MIECISLAUM Senem, & à Lechico rejectum folio, CASIMIRUM secundum, cognomento Justum, BOLESLAI Crivousti Filium, legitimum in Sarmatica Corona Regem, venerabundi adoravere Poloni, Anno millesimo centesimo septuagesimo septimo, sub cujus felicissimo regimine, reliqui tres Fratres JANINI, Vitoslaus, Constantinus & Adalbertus, primus Castellanus Callisiensis, alii duo Culmensis & Belzensis Palatini, equestrem suorum Palatinatum militiam, ad Haliciam, contra Roxolanos, duxerunt Principes, quos animante ad fortia Casimiro Rege, castris & exercitu exuerunt. Et sic

nun-



nunquam sterile Heroum aut Virtutum in Domo  
JANINORUM fuit sæculum; nascebantur mirabili  
quadam propagatione, ex Bellatoribus Heroes.  
ALEXANDRO enim, Palatino Callisiensi, ex Con-  
stantia Zebrzydovia, duo filii nati, NICOLAUS  
& VITUS, paternarum verissimi Imitatores Virtu-  
tum, quos statim à primo Lucinæ gremio, ad  
Bella gerenda nativa Magnanimitas exercuit. Ni-  
colaus non auro elargiendo, sed ferro tenendo,  
Martialem apposuit manum, ipsoque hostili san-  
guine decorus, & suæ fortunæ Parens, Senatoriam  
Cracoviensis Palatini promeruit curulem, dum  
ANDREAM, Belæ, Regis Hungarorum, Filium, ad-  
motis ad Arcem Hallicensem exturbavit armis, &  
Hallicensem ULODIMIRIO, Russorum Duci, re-  
stituit Principatum. VITUS autem ad sacrationem  
Plocensis Episcopatus Virtute promotrice evectus  
Infulam, Buscense in Dioecesi Cracoviensi, Vito-  
viense in Gnesnensi, & Plocensi, partim Viris,  
partim dicatis DEO Virginibus, in Præmonstra-  
tensi Ordine Monasteria, amplissimis sumptibus  
ædificavit. ADALBERTUS item Janinus Palatinus  
Culmenensis, Villam Woyciechow à proprio nomi-  
ne appellatam, cum Curia murata, & quadrata  
excelsa Turri, tribus Lublino distantem milliaribus,  
erexit. VITOSLAUS Janinus, Castellanus Callisi-  
ensis, postquam Martio omnes vitæ suæ dies sa-  
cravit labori, Virtutibus & præclaris plenus meri-  
tis, annosus magis, an animosus decessit; nulla  
ad Janineæ augmentum prosapiæ relicta Prole.



CONSTANTINUS Janinus, Palatinus Belzensis, postquam parricidali scelere SVATOPELCUS Pomeraniæ Præfectus, LESCUM Album, Regem, in balneo occidit, MIECISLAUS quoque Senex exul, & ULADISLAUS LASCONOGUS Sceptrum Polonorum, partim in Regnatrices assumerent manus, partim deponerent; ex THEODORA Zbaravia, CHRISTOPHORI, Ducis in Zbaraz, Filia, vir niveâ canitie & maturo gravis judicio, ad commune Patriæ solatium, JOANNEM & STEPHANUM, filios in lucem produxit, ex quibus JOANNES JANINUS, crescente simul cum annis militari prudentiâ, Martiali à teneritudine primæ ætatis imbutus animo, Palatinus postea Sendomiriensis creatus, factâ mutuâ sui Palatinatus armorum conjunctione, cum Varsio Castellano, & Petro Palatino Cracoviensi, Leoninum contra Leonem, Roxolanorum Principem, assumpsit Spiritum; Litvanosque & illam sociam in Bello Progeniem venti, fulmenque cruentum, Tartaros, ad pagum Goslice nominatum, igneo ferventis Gradivi extinxit ardore. STEPHANUS par Fratri JOANNI Triumphator, immortalem famæ suæ Coronam ex Tartaricis quæsit Laureis, funeream tamen vitricibus palmis intexuit Cupressum, dum Regnante in Polonia BOLESLAO Pudico, inter confertissima Scytharum agmina fortiter dimicando ad Lignicium strenuus Heros, barbaro efferæ gentis ferro trucidatus, nobilissima in Sacrificium Patriæ cecidit Victima, Anno millesimo ducentesi-

mo



mo quadragesimo primo. Remansit nihilominus  
ex STEPHANI lumbis posthumus, JOANNES Fi-  
lius de Eugenia Kalinovia Palatinide Braclaviensi  
generatus, qui expletis in pulchro virtutis Tyro-  
cinio adolescentiæ annis, urgente Marte, & sti-  
mulante ad fortia gesta magnanima indole, mili-  
tares inconcussa fortitudine subibat labores, LE-  
SCI NIGRI pro tunc Poloniarum Regis, assiduus  
in Bellis Comes.

Inter quæ, dum idem Rex, cum Fratre suo  
VISSIMIRO, contra Jazyges & Litvanos, adhuc  
tum ethnicos, suis ditionibus infestos, vindicem  
moveret manum, ingentique hostium multitudi-  
ne perterritus, Numen Divinum sibi tota nocte,  
Orationibus propitium redderet, ac cæleste in cam-  
pis proelio destinatis imploraret Auxilium, appa-  
ruit illi Supernorum Exercituum Dux, Divus MI-  
CHÆL, Archangelus, clypeum futurum Victoriæ  
signum, cælitus demittens, & ad aggrediendos  
hostes fortius animans: quo securior factus, gra-  
vi prædâ onustos Gentiles, ad flumen Narviam  
asssecutus, penitus delevit, & velut reliquias Vi-  
rorum, post cladem BOLES LAO Pudico, Anno  
Domini 1263. cum CUNATHO, Duce Jazygum oc-  
ciso acceptam restantes, ultimâ interneccione ex-  
tinxit, ut Nomen Jazygum, in libris tantum, non  
in Terris amplius reperiri possit. Igitur feliciter  
prostratis Hostibus, partaque Victoriâ, in memo-  
riam & perenne gratitudinis monumentum, DEO  
Adjutori, Statori, Vindici, Liberatori, eodem loci



apparitionis, sub titulo Divi MICHAELIS Archangeli, Ecclesiam Collegiatam in Civitate Lublinensi, per se prius conditâ; nunc Regni Judiciorum primaria sede, munificentissimè erexit, & ad perpetuum coelestis Patroni cultum, hostium manubiis ampliavit. Quis dubitet simili præsagio, ut quondam CONSTANTINO Magno Orientis Occidentisq; Imperatori apparuisse Crucem, & in hoc Signo prædictam contra Maxentium Tyrannum Victoriâ; Poloniæ quoque Regi, Clypeum Divinitus demissum, contra Gentiles adstitisse, protexisse, vicisse? Hac mercede vera Pietas, Divorum oculis placuit, unde VISSIMIRUS, Regis Victoris Frater, loci amoenitate ad Lublinum delectatus, plurimos circum circa pagos, inter quos Villam Pogonow, quasi ab hostibus ibidem fugatis, etiamnum habentem nomen, ac possessiones reliquas erigere multiplicareque non destitit, quibus postea in Coronamentum Virtutis, & meritorum JANINÆ Domus, tanquam Cognatæ suis, cum titulis ac denominationibus, transcriptis & cessis, Schema quoque Coelestis CLYPEI ab hoc Principe pro INSIGNI datum; & quamvis scutum Regale, nunc in sua delineatione, ac expressione, à primitivo non nihil differat, nihilominus gaudet gentilitium suum Decus, sub Regibus primævis usitatum, Coelesti hac apparitione, sacratum, & confirmatum esse. Forte namque Brachium, & dextra Manus in tanto proelio extitit magnanimo Regi, JOANNES JANINUS, qui hostes audaci resisten-



sistentes animo, audaciori repressit impetu, paucis tunc ex suo Palatinatu desideratis, utque magni pars maxima triumphi, eodem cum REGE vestigio ad purpurascens recentis hostium sanguine progressus est LAUREAS, ita à rubea hostilis cruoris tinctura, ad Senatoriam Togam extitit Candidatus, dum à Rege dexteritatem Viri, & celsitudinem Generis maturè perpendente, in primum Castellani Cracoviensis evectus est subsellium & glorioso cum ANNA THEODORA Visimiria, Sorore Regia copulatus Hymenæo. Unde multi arbitrantur Authores Illustrissimam JANINORUM Prosapiam à Domo Regia LESCII Nigri suam desumpsisse Originem, cum tamen ex Augusto LESCII tertii processerit Nido, & sub BOLES�AO Chrobri ducentis quinquaginta antecedentibus annis floruisset, antequam LESCUS NIGER Polonum conscendit solium.

Cum proinde Lescii Nigri dies consummati essent, & Premyslaus; Rex excelsi animi, & in rebus agendis Vir dexterrimus, per insidias Marchionum Brandenburgicorum crudeli è vita occisione deleretur, ac postmodum ULADISLAUS LOCTICUS, & VENCESLAUS Bohemus, alternas variantis fortunæ experti vices, LECHICUM successivè occuparent Dominium, JOANNES Janinus ex Anna lectissima sua Consorte LESCII NIGRI Regia Sorore, unicum Domus suæ solatium, Filium suscepit BERNARDUM circa Annum ante Uladislai Loctici mortem, millesimum trecentesium pri-



mum, qui juveniles Annos liberalibus erudiens artibus, Regio CASIMIRI MAGNI, Filii ULADISLAI LOCTICI, adhæsit lateri, ibidemque Pacis & Belli scientiam ab Exemplis magnanimi Principis didicit, & post multa Bellorum discrimina gestasque in militia Dignitates, ante Annum millesimum trecentesium septimum, à CASIMIRO Magno, Magni Cancellarii sigillum, & titulum accepit; duxitque in sociam vitæ Confortem, THEOPHILAM Tarłowna de Gente Toporeorum, Joannis Tarło, Palatini Sendomiriensis, nobilissimam Filiam, cum qua post duodenne LUDOVICI Hungari Imperium, quinque generatos Filios, PETRUM, ALEXIUM, JACOBUM, STANISLAUM, VENCESLAUM, bono publico dedit; ipseque circa Annum, millesimum, trecentesium octuagesimum quartum vivere desiit. Quinarius hic Fratrum Janinorum numerus, vastos magnarum Virtutum implevit Annales, dum regnante feliciter in Polonia per quinquaginta duos annos, ULADISLAO Jagiellone varia bellorum pericula heroo superarunt Animo.

Triplex offerebatur in arena Martiali hostis, Ordinis Teutonici Crucigeri, Germanis Pruthenisque immixtis tumidi, & ipsa pro tunc Apostasiâ feroces ad Ginevaldum decretoriâ acie decertantes, qui virile Heroum non minuerunt, sed auxerunt Robur, & quamvis mixtis utrinque certatum sit Vulneribus, ex trina tamen Martis adversi Clade, numerosiores eviruerunt laureæ fertilio-



tilioraque ex superato multiplici hoste assurrexerunt Trophæa. Nec suis Bellatorum Virtus caruit Præmiis. PETRO enim, à publico Regni claves traditæ sunt Thesauro, cum Capitaneatu Sendomiriensi, & aliis annexis Præfecturis. ALEXIUS Succamerarius Regni, JACOBUS Dapifer, à munificentissimo creati Rege, STANISLAUS Belzensensem, VENCESLAUS Horodlensem, ultro se in donum ingerente affectu Regio, acceperunt Præfecturam. Exigebat tantorum Heroum Virtus & claritas generis, pares nobilitate & virtute in societatem vitæ maritalis, foeminas, ideoque in Conjugem advitalitiam; PETRUS, Thesaurarius Regni, Comitem de Brnin Opaliniam, Palatini Posnaniensis accepit Filiam; ALEXIUS Anastasiam de Granow, Georgii Sieniawski, Castellani Leopoliensis lectissimam Prolem; JACOBUS, Terefiam, Herburti Odnowski Capitanei Cracoviensis unicam decus; STANISLAUS Alexandram Joannis Czarnkowski, Palatini Lanciciensis, dignissimam Palatinidem; VENCESLAUS pretiosam Petri Odrowazii, Palatini Russiæ, Margaritam, maritalibus sibi thalamis intra solennes Nuptiarum pompas Consortes sociarunt. PETRUS Janinus cum Christiana Opalinia, Christophorum & Salomeam: ALEXIUS cum Anastasia Sieniavia, Procopium & Timotheum, Justinam, & Eugeniam: JACOBUS cum Terefia Herburtowna, Hedvigem & Demetriadem (quæ in Virgineo innocentiae flore decesserunt): STANISLAUS cum Alexandra Czarn-



kowska, Martianum: VENCESLAUS, cum Margarita Odrowązia, Demetrium, nobilissimas Proles genuerunt. Non omnes tamen præfati Heroes, qui magna Regni sperabantur columnina, in Vita superstites permanserunt, nonnulli enim in fraudulento Valachorum bello, per JOANNEM ADALBERTUM Regem Poloniæ, adversus STEPHANUM, Moldaviæ Palatinum infelicissimè gesto, Anno millesimo quadringentesimo nonagesimo, sexto, funesto interitu ceciderunt. Justina verò & Eugenia, moribus & virtutibus ornatissimæ Alexii Filiæ, Illustrissimis Viris, Domitio Tęczyńio, Comiti, & fortunato Samotulio Posenanienfi & Pomeraniæ Palatinis, sunt elocatae. Sed tantorum Virorum proles quæ ad summa honorum Culmina illis temporibus excretura sperabatur, cum omni totaliter Stemmata extincta, ac tandem obliuio cum suis dignitatibus sepulta est Cinere. Nam horum Procerum in Scripturis terrestribus & libris inventa est Gloria, Nomina verò in terris (DEO sic mirabiliter ordinante) amplius non sunt reperta.

MARTIANUS verò, Stanislai Janini Filius, Podoliæ Palatinus, temporibus Regum Poloniæ ALEXANDRI & SIGISMUNDI Jagiellionidarum, primo contra Moschos, sub Nicolao Firleio Palatino Cracoviensi, Supremo Exercituum Duce, militares sui Palatinatûs duxit in campum præliarem copias, magnumque Virtute suâ victoriæ suffragium dedit; dum Patriam & ab hostibus & ab  
in-



incurfu strenuè liberavit. Tanta fuit inter JANINOS bellicæ fortitudinis contentio, armorum desiderium, Patriæ amor, militarium laborum insuperabilis patientia, ut etiam DEMETRIUS Janinus liberaliter convocatâ ad defensionem Regni Juventutis Polonæ non exigua Manu, cum Constantino, Ostrogienfi & Zaslaviensi Principe, pro tunc supremum armorum jus tenente, fortissimo ad Visnovieciam cum Tartaris dimicaverit proelio, ubi viginti & quatuor millia gentis prædatrix, & fugitivæ in acie cruenta ceciderunt: Numerus verò captivorum quotquot erant, pristina restitutus libertati; prout manifestum exhibent tantæ Victoriæ testimonium Cromeri, Sarnitii, Bielscii, aliorumque de gestis Polonorum Annales. DEMETRIO itaque Janino tantæ Victoriæ Succollaneo, Constantinus Dux in Ostrog, Supremus in Polonia & Lithuania Exercituum Moderator, amicæ ad vitalitii amoris vinculum, Filiam suam virtute & corporis formâ conspicuam, SOPHIAM SIDONIAM, consortem dedit, quæ præter cæteros liberos immatura morte sublata, Viro suo, aviali nomine & virtutibus insignem genuit CONSTANTINUM. Nec sterile fortitudinis in MARTIANO Janino, Palatino Podoliæ, Demetrii Fratre, pro tunc fuit sæculum, qui postquam Nobilissimæ prosapiæ Stanislai Koniecpolski, Palatini Braclaviensis, in communis vitæ consortium Filiam EUDOXIAM sibi sociaverit, Martis tamen & fortis in acie Viri negotia non deseruit, ac pro tunc SI-



GISMUNDO AUGUSTO feliciter Poloniam gubernante, usque ad Regnum STEPHANI BATHOREI, cum sua Eudoxia prosperum vitæ protraxit cursum, eidemque Regi, contra Moschoviticas acies, & rebellem Gedanorum seditionem, Vir magnanimus ad hostes profligandos, individuo adhæsit Comitatu, simulque bellicis laboribus, & Vitæ posuit terminum; unicumque filium, præter aliam prolem immaturâ morte extinctam, VINCENTIUM reliquit. CONSTANTINUS etiam Janinus, Demetrii Filius, ex Sophia, Duce Ostrogiensi, genitus, sub SIGISMUNDO, Joannis Sveciæ Regis, & Catharinæ Jagielloniæ Filio, Polonorum Rege, Vir eruditione atque sapientia insignis & Martiis gloriosus operibus, titulo Procancellarii Regni decoratus, multa internarum & externarum Legationum ac Commissionum negotia ad mentem Regis & Regni feliciter expedivit. Cui postmodum, Nobilissima Virgo Tarnovia JOANNA, Joannis amor Tarnowski, Capitanei Cracoviensis Filia, fuit in matrimonium elocata; quæ PROCOPIUM in lucem publicam felicissimo partu enixa est Filium; qui meritorum magnitudine maturescens, ab eodem Rege Palatinus Kiioviæ nuncupatus, cum FEBRONIA, Petri Sanguszko Lubartowicz, Ducis Koszyryensis, Castellanique Bracławiensis eximia Sobole, SEBASTIANUM SOBIESKI hoc vocabulo nominari coeptum progenuit; quem postea ob eximia in Rempubli- cam merita, Regni Vexilliferum SIGISMUNDUS Tertius Rex Poloniæ dixerat. At-



Atque hæc est Originativa SOBIESCIORUM  
à SEBASTIANO SOBIESKI denominatio,  
cujus veritatis maximum præstat documentum,  
Diploma Regium ejusdem SIGISMUNDI Ter-  
tii, post fata SEBASTIANI, STEPHANO Sno-  
pkowski Varſaviæ, Die decima Martii, Anno mil-  
leſimo ſexcenteſimo decimo quinto, ſuper Offi-  
cium Vexilliferi Regni conceſſum. Multis enim  
temporibus Polonæ Familiæ à ſuis Gentilitiis vo-  
cabantur Stemmatis, ut Toporei de Tęczyn,  
de Pilcza, de Czekarzewice, de Brzeſcie, donec  
à Nido & Poſſeſſionibus propriis vocabula mutua-  
rent, ut Pileccii, Tęczynſcii, Tarnowſcii, SOBIE-  
scii, Zolhiewſcii, & aliæ uſque ad præſens tem-  
pus Polonorum Proſapiæ. VINCENTINUS verò  
SOBIESKI Duce JOANNE Zamoyſcio, Supremo  
armorum Præfecto, & magno belli ad Rigam in  
Livonia Moderatore, contra CAROLUM, Su-  
dermanniæ Principem, cum Svecis ardentiffimè  
dimicando, Regi Regnoque Victoriæ morte ſua  
heroica peperit: Nec ullam prolem Domus Incly-  
tæ reliquit hæredem. At SEBASTIANUS Jani-  
nus, in Sobieſzyn SOBIESKI Vexillifer Regni,  
cum Cæcilia Lankoronska, Palatinide Podoliæ, de-  
corum Virtutibus Filium MARCUM, primò Ca-  
ſtellanum, poſtea Palatinum reliquit Lublinenſem.

Heroicam Viri iſtius indolem, STEPHANUS  
BATHOREUS, Poloniæ Rex, adeò æſtimave-  
rat, ut pluries dixiſſe audiretur: Si totius Regni  
fortuna, unius duelli aleæ, ut quondam inter Al-



banos, & Romanos; de summa Rei, trinis hinc, & illinc Fratribus certatum fuit, committenda esset; Nemini melius, hoc Heroe confideret. Author est Heydensteinus, & alii gestorum Poloniae Scriptores, ipsius industriâ & perspicacitate partam fuisse Victoriâ, de MICHAELE, Moldaviae Dynasta, per JOANNEM ZAMOYSCIUM Magnum Poloniae Cancellarium & Supremum Exercituum Regni Praefectum, ad Telezynum amnem profligato, loci enim oportunitatem, quâ in hostem iretur, penitus consideratam, Duci suo monstravit, & certum Victoriâ, prout comprobavit exitus, reddidit. Avocato demum bellis Livonicis ex Moldavia ZAMOYSCIO, ipse tuendae Provinciae cum reliquo praefuit exercitu. In Prussia denuò sub eodem STEPHANO Rege ad Dirschaviam, rebellibus Gedanensium objectus copiis, tanto Martis ardore in oculis Regis rem gessit, ut fractis profligatisque Rebellibus; Ducem ipsorum fugâ in Vistulam conjectum, ipse totus cataphractus medio assecutus alveo, interemerit. Itaque post fortia gesta, nobilissimam Virginem STEPHANI Snopkowski Regni Vexilliferi, post Castellani Præmysliensis Filiam, in Sociam Vitæ Maritalis nactus, prout id literæ pergamenæ, & Privilegia Regia in Archivo Arcis ZOLKIEVIENSIS extantia, testantur, inclitissimum Regni Sarmatici Columnen, magnæ pietatis & in rebus tam domi, quàm foris gerendis, summæ prudentiæ Virum, JACOBUM SOBIESKI, & Filias sex procrea-



creavit, quarum prima, EUGENIA, LUDOVICO GONZAGÆ, Marchioni in Pinczow Myfzkowski, Cracoviensi; altera SOPHIA, CAROLO Czarnkowski, Pofnaniensi; tertia TERESIA, JACOBO Radzieiowski, Lanciciensi; quarta ANNA, NICOLAO Wodynski, Podlachiaë Palatinis; quinta JULIANA, JACOBO Wiefiołowski, Magni Ducatus Lithuaniaë Marefchalco, elocataë; fexta MARIANA facrationem amplexa Vocationem, Ordinis S. Benedicti in Conventu Grodnenfi Abbatiffa facta; omnes, quâ pietate, & sanctimoniâ, quâ integritate Vitæ, & modestiâ, quâ in Conjuges fide, amore & honestate, celeberrimæ. Primo destitutus thoro, post fata suæ Consortis; alteram, Comitiffam de Tęczyn, Vetustiffimæ & præclaræ in hoc Regno Familiaë Viraginem sibi copulaverat; ex qua binam prolem, JOANNEM scilicet, & HELENAM suscepit, sed hæc Juventutis ac Domus suæ decora immaturum extinxit fatum. Ergo unico tantum gloriosus filio, duas illi Præfecturas, Crasnostaviensem, & Javoroviensem, Regia annuente gratia, reliquit.

Non minor hic magnanimo Parente JACOBUS, cujus tenerior ætas bellicis enituit Facinoribus. Prima etenim militiæ Rudimenta, sub SIGISMUNDO Tertio, Rege Poloniaë, in Moschoviaë deponens Imperio, cataphractas illi cohortes, ære paterno authoratas, tam insigni hastatorum Numero conduxerat, ut & Viris Martialibus, & armorum splendore decorataë, aureæ pas-



sim vocitarentur, ibique in ipsa Sedis Moschoviti-  
cæ violenta aggressione faucius, magnæ spei Do-  
mus suæ, & Reipublicæ præluxit. Sed Togatis  
Confiliis Virum hunc requirentibus, primùm ad  
Civitatem Kurükowo, in Ukraina, Cosatici, dein-  
de in Livonia, Suetici, avocavêre Tractatus, quibus  
egregiè compositis, tandem à ULADISLAO  
Quarto, Poloniæ Rege, extraordinarium Lega-  
tum, Monasteriensis de Pace in Europa stabilien-  
da congressus spectavit, & suspexit; Respublica  
POLONA, quaternis vicibus exemplo hucusque  
inassequibili Tribunitiâ potestate gloriosè perfun-  
ctum admirata est. A publicis revertenti labori-  
bus, quid honestius? quam Uxorium levamen-  
tum. Itaque Virtutibus & nobilitate illustrem, ne  
bono, & commodo Patriæ deesset; sociavit sibi  
Uxorem, non solùm pervetustæ Ducalis, verùm  
etiam Regiæ Prosapiæ Mulierem MARCIANAM,  
Ducis in Zbaraz & Wisniowiec, HIEREMIÆ Ko-  
rybuth, Russiæ Terrarum Palatini, Viri suo sæ-  
culo, contra quos vis Poloniæ hostes bellicosissimi,  
atque Imperatoriis artibus eminentissimi Filiam;  
cujus Genus magnanimum si spectes, Andreas &  
Demetrius, Korybuthi, ULADISLAI Jagiel-  
lonis Regis, & Magni Ducis Lithuaniae, germani  
fuêre Fratres, qui ab ingenti TAMERLANIS, Scy-  
tharum Principis, exercitu; VITOLDO Duce infe-  
lici, cum hoste acie decertante, ad fluvium Vor-  
skla Anno 1499. deleti sunt: SIGISMUNDUS  
verò KORYBUTUS Anno 1420. solium Bohemo-  
rum



rum purpureus ascendit Regnator. MICHAEL  
autem ætate nostra concordibus Polonorum ele-  
ctus votis, LECHICAM supremus Dominator con-  
scendit Majestatem. Alter verò Demetrius, &  
Constantinus de hac inclyta Stirpe, Duces in Zba-  
raz & Wisniowiec, Korybutii Fratres, ille Kra-  
coviensis Castellanus, & Supremus Regni Exer-  
cituum Præfectus; hic Belzensis Palatinus, Soro-  
rini MARCIANÆ, gestis in Republica muniis, quâ  
bello, quâ pace gloriosi inclaruere.

Tantis Nominibus associata Illustrissima SO-  
BIESCIORUM Domus, consanguineas Ma-  
gnorum Regum fecit sibi Purpuras, documento,  
quod Regnorum Dominos & LECHÆA sceptrâ  
tenentes, felicissimo partu esset genitura Nepotes.  
MARCIANA tamen Wisniowecia, non longos cum  
JACOBO Vitæ maritalis numeravit annos, nec  
ullam ad SOBIESCIANÆ Familiæ, licet bis enixam,  
prolem relinquens, felici termino mortalem fini-  
vit Vitam. Quantò verò eam vivam, JACOBUS  
amore profecutus fuerit, quanto mortuam usque  
ad Sepulchrales Umbras deduxerit dolore, Liber  
gestorum ejus manuscriptus, in Arce ZOLKIE-  
VIENSI asservatus testatur. Post sterilem Principis  
Wisniowiecciæ decessum, alteram sibi JACOBUS  
duxit Vitæ Sociam, nimirum THEOPHILAM Da-  
niloviciam, cujus quanta fuerit in DEUM pie-  
tas, quantus Religionis Christianæ amor, quan-  
tus in Sanctos affectus, Basilica Venerabilium Fra-  
trum Ordinis Sancti Dominici in Civitate ZOLKIE-



VIENSI, una cum Coenobio, magnifico extructa sumptu, testimonium perhibet, in cuius facie imago DIVÆ VIRGINIS Antiochenæ, THEOPHILÆ depicta, oculos in admirationem rapit Spectatorum. Varias postmodum JACOBUS dignitatum, utpotè Belzensis & Ruffiæ Palatinatum conscendit curules, quem disertissimum Oratorem, Turcarum Imperator; Romanus PONTIFEX, eloquentissimum Tullium; Rex Galliarum facundissimum venerati sunt Demosthenem; ac tandem Polonia, Supremum Senatorem, Castellanum Cracovienfem, eminuisse gavisa est.

In qua constitutus dignitate, post heroica Belli Pacisque facinora, dum ipsemet Osmanus, Turcarum Imperator quadringentis Virorum millibus ex toto Oriente conflatis, Regnum Poloniæ, spe subjugandi, ad Chotimum in Valachia aggredere-  
tur, integroque bimestri, quâ proeliis, quâ velitationibus, quâ nocturnis per Cosacos Zaporovienfes superventibus, cum illo luctatum, & tam mordicus decertatum est, ut Pacis cum Polonis, quam ipse violaverat, renovandæ omninò adigeretur; hic JACOBUS à SIGISMUNDO Tertio, Rege Poloniæ, universaque Republica; & rei cum Turcis gerendæ, & Pacis, si occasio daretur, faciendæ, summa cum Potestate & pleno Arbitrio. Delegatum Commissarium egit, horrendumque illud Bellum, foederibus stitit, & Commentarium rerum illinc gestarum per se confecit, Proeloque mandavit. Inter cætera verò Virtutum decora,  
etiam



etiam eximiæ pietatis, & fidei Orthodoxæ gloriâ inclaruit, maximè quando apud Illustres, generique suo Affines; Sectæ tamen Lutheranicæ & Calvinisticæ deditos, Czarnkovios & Zborovios, pro tunc enim præter Schismatum suorum Virus, Russia etiam prædictis novitatibus indulgere videbatur, Oppida & Villas, Złoczow Pomorzany, Zborow Jezierzyn, ipso zelo promovendæ fidei Catholicæ ductus, coëmit, & in hæreditarias suas adjunxit possessiones, ac verum Religionis Orthodoxæ introduxit cultum, dum Præpositos, Parochos, Altaristas, aliosque zelosos Divinæ Gloriæ instituit Promotores; quos amplissimis ditavit proventibus, Ecclesias ad ultimum inclinantes lapsum restauravit, alias ex nova Radice à fundamentis erexit, honoris Divini per Orationes vocales promovendi modum descripsit & ordinavit; Sacerdotes ad augendam DEI, Ter Optimi, Maximi gloriam, & Seriam animarum curam, ordinatione Manupropriâ scripta obstrinxit.

Nec defuit magnorum Remunerator beneficiorum DOMINUS, cum singulari auxilio, qui munificentiam piissimi Viri coelestibus refudit gratiis. Cùm enim Filius suus primogenitus, ex Theophila Danilovicia susceptus, quasi dextra tanti Patris pupilla, MARCUS SOBIESKI, adhuc tum minorennis, nihil proficiente sollicita admodum Medicorum cura, jam pænè desperatæ Sanitatis in lecto decumberet, instante verò piissima ægrotabundi MATRE, Sanctissimum Eucharistiæ

L

Sacra-



Sacramentum allatum esset, in primo Sacerdotis ingressu, puer ex lethali sese proripuit languore, & quasi ad pristinam redanimatus profiliit Vitam. Attonitus novo miraculo piissimus Parens, in vim gratiarum actionis pro collato cœlitus beneficio, Confraternitatem Sanctissimi Sacramenti in Basilica Crasnostaviensi, mira devotione erexit. Sed ad magnæ & vetustissimæ in Regno Poloniæ Profapiæ, maternam SOBIESCIORUM lineam producentis descendendo originem; hæc THEOPHILA ex heroicis Daniłowiczorum processit cunis; quorum si gentilitium Stemma, curiosa investigetur indagatione; Patritium insigne pro gloria Gentis suæ, Lunam habet albam, cornibus sursum obversam, Stellas aurei coloris ad cornua tenentem, medium Lunæ Gladium quatit, sagitta cuspide prægrandi ad sidera directâ. Campus est sanguineus & Corona pavonis cauda onerata, per medium sagitta apparet. Si avita præclaræ originis quærantur Primordia; ex Saxonia primi tanti sanguinis fontes promanarunt. Daniłowicz etenim post triumphales in Saxonia Victorias, & excelsa merita, Stemmata insigni sat decoratus, in Hungaria postmodum militaribus palmis ad coronamentum Gloriæ suæ evirescens; Regni Thesaurarius creatus, continua recepit Præmia, sicut in aureis Hungarorum apparet Nummis, ubi arma Sas pulchræ conspicienda exhibentur visioni. Hinc Russiam Rubeam repetentibus Ducibus, post COLOMANNUM, Haliæ Regem; Huyd Comes de hac Familia



lia præstantissimus militiæ Dux, ad DANIELEM, Ducem Ruffiæ cum numeroſo advenit Exercitu; cujus Banderium tali erat Stemmata notatum, atque defiderata militiæ obſequia, contra Duces Regesque Poloniæ Sendomiriæ retulit, quem altis clarum meritis, Rex Ruffiæ DANIEL, cum propria Conſanguinea, vinculo matrimonii adſtrinxit. Hæc dum feliciter genitum edidit in lucem Filium, Rex Puerum in baptiſmo nomine Danielis inſignivit, à quo in poſterum Nomine Patrio, Danielowicii, uſque ad hæc tempora fuerunt nuncupati. Longa igitur Danielowiciorum geneſis, in Regno Poloniæ propagata generatione; uſque ad JOANNEM Danielowicz, Palatinum Ruffiæ, Theophilæ Patrem pervenit, qui cum lectiſſima Virgine Kraſińska, Podoliæ Palatinide, filias duas naſtus, primam Koniecpolio, alteram Firleio, Viris in Republica ſummos honores & munia gerentibus elocavit. Secundo verò Voto Sophiam Zolkiewſka, Stanislai Zolkievii, Supremi Regni Cancellarii & Exercituum Poloniæ Præfecti, Filiam, ex Regina Herburtowna procreatam, maritali ſibi copulavit vinculo. Et proſectò patuit heroicus Sanguis JOANNIS Danielowicii ac SOPHIÆ Zolkiewſka, dignorum Conjugum in Filio STANISLAO; ac Filiabus binis, Theophila, atque Dorothea; quarum eximias dotes, ac Virtutes, ne curſus lineæ Avialis intermittatur, ſuo loco memorare licebit.

Nunc jam ad Martiales memorati Cancellarii,



& Ducis bellicosissimi ZOLKIEVII descendendum Virtutes. Cujus teneriorem ætatem non sine Prodigio innuere fas sit. Infantem adhuc in pomoerio cujusdam prædii Turinka dicti, à Civitate ZOLKIEW per ipsum, post erecta, uno tantum milliari distantis, & hucusque existentis, incuria Nutrix relictum, ardoribus Solis exposuerat; redux cum pedissequis; deprehendit grandem, sed incognitam Alitem, quæ Pusionem ab illo Solari terrore, expansis veluti protegens Alis, venientium strepitu in altum demùm evolaverat. Adolescentiam natus, varios contra hostes bellavit, ad BYCZYNAM præsertim in Silesia; ubi dextro Cornui contra MAXIMILIANUM, Austriæ Archiducem præfectus, pertinacissimè pugnans glande plumbea ictus; & pati & fortia agere addidicit; nec ad cruorem erubuit. In Livonia ad Revaliam, Duce Reinholdo Arnep, Comitissæ Nassovii Vicario, Sueci Esthonesque ab illo profligati, deletique ac ipso Reinholdo interempto, castris, tormentis, omnique bellico Apparatu exuti: Cosacos Zaporovienfes, cum suo Duce Naliwaycone rebelles, armis domuit, ipsumque Vivum Regi SIGISMUNDO adduxit; pacemque cum Turcis, sæpius à Cosacorum incursionibus turbatam, æquis pactio-nibus, sua Prudentia, ac dexteritate restituit. Scytharum incursiones in Campis Orininsibus, non procul Cameneco Podoliæ, lectissima cum militum Procerumque manu fortiter repressit. Ad Oppidum Bussam, circa confluentem Tyræ, Morachnæ-



rachnæque situm, cum Skindero Bassa Turcici;  
Tartarici; Transylvanici, ac Valachici exercituum  
Præfecto, Pacis foederibus bellum gloriose termi-  
navit. Ejus ductu subjugata Moscovia, prius ad  
Oppidum Karowo; Volvievio, ac Jelocio, Ducibus  
Moscoviticis; deinde ad Clusinum Suyscio  
BASILIO, Moschorum pro tunc Imperatore, ac  
Demetrio ejus fratre, ultra quadraginta millibus  
equitum peditumque de Moschis; de Gallis verò,  
Anglis ac Suecis sub Ducibus Hornio, ac Ponto  
de la Garde, stipendiariæ militiæ deditis octo Vi-  
rorum millibus; subnixo profligatis, & cruento  
Proelio in fugam dissipatis; ipsoque BASILIO  
ac Demetrio, & Joanne Suysciis, Fratribus in ca-  
ptivitatem ductis, ac Regi SIGISMUNDO  
Varſaviæ pro Triumpho præsentatis; Altero verò  
Moschorum Duce, Demetrio Impostore, Impe-  
rium illud sibi usurpante, ac ipsam Moscoviæ Me-  
tropolim, totis Viribus arietante, & ad deditio-  
nem cogente; per Ducalem Imperii Sedem, Exer-  
citu Polonorum transducto fortiter represso, ac in  
fugam conjecto; Monarchiam illam ULADIS-  
LAO, Regio Poloniæ Principi, in dominium asse-  
ruerat: Et quamvis à Proceribus Moschoviæ, Sta-  
tibusque Universis, pro supremo Duce eligeretur,  
hac populorum inclinatione non accepta, REGI  
suo, ejusque Filio ULADISLAO, fidelissi-  
mam potiundi Imperii navavit operam, quatuor  
non nisi Hastatorum millibus; Peditibus Hunga-  
rorum ducentis, Tormentis binis, & levioribus ar-



maturæ duabus Cohortibus tantum bellum, tantamque edomandæ Monarchiæ molem aggressus. Nec minoris prodigii fuit fides illius Regi SIGISMUNDO, in bello civili vulgo Rokosz, probata. Bellanti enim ad Gurowo; cum Zebrzydovio, Palatino Cracoviensi, Rokossianorum Duce, cujus Uxor de domo Herburthæa, germana erat Soror Confortis Zolkievii, præsto cum Exercitu affuit stipendiario & vincenti in campo Regi per ipsius fortissimam dextræ aciei hostilis repressionem, atque nonnullis Proceribus, ut REX fugato ferro ad internecionem persequeretur, fuggerentibus, Majestate honorifice observata, illud gloriose respondit: Civium fugientium, parceret Sanguini, dum rerum suarum securus esset.

Hæc fortia illius pro Rege & Republica Polona fuere gesta; cum Palatinum Kiioviensem, atque Campestem Exercituum Regni sustineret Ducem, Supremus Cancellarius & Militiæ Polonæ Imperator ac Rusiæ Palatinus, imminetia à Turcis pericula Regno Poloniæ; utpote quæ Orbi Christiano formidanda Juvenis didicerat, sagaci Prudentia & præviderat, & ad amolienda sui maturitate Consilii non defuerat. Etenim JOANNI ZAMOYSCIO, Supremo Poloniæ Cancellario, & Exercituum celeberrimo, sub Rege STEPHANO Bathoreo, Duci, Sanguinis nexu devinctus ob virtutem & singularem eruditionem consiliique maturitatem ab illo Principe tantoperè adamatus fuerat, quamvis in ætate juvenili, ut inter quatuor, qui  
tan-



tantummodo conscii fuere secretioris contra Turcas moliminis, bellicue apparandi, promovente tunc negotium Sixto Quinto, Pontifice Maximo, cumque Rege ac Principibus Christianis per Legatos conferente, ipsum etiam esse voluerit, prout ejus literæ, dum ultimæ in Valachiam contra Turcas expeditioni sese accingeret, ad SIGISMUNDUM Regem ex confiniis Regni exaratae, ac planè valedictoriæ, palam obloquuntur.

Gratianus, Valachiæ Princeps, huic bello facem prætulera. Ultro enim in Regis Reipublicæ clientelam suis cum Populis sese dedens, Monarcham Christianum, qua precibus, qua auxiliorum ac Commeatum pollicitationibus impulit, ut STANISLAUM Zolkievium retinendæ firmandæque delegerat Provinciæ, ad quam ex Voto Reipublicæ manutenendam, dum Sigillo Regni Zolkiviæ relicto, bellicum moveret apparatus, & quieti meridianæ, uti septuagenario major, per forum indulgeret, apparuit coeleste Phænomenum supra Civitatem Zolkiviam, digladiantis quasi inter se ignei Exercitus; hoc Prodigio, per suos Familiares expergefactus, ut horrendum illum in aere aspexit Congressum, supra Caput suum devolvendum præfagiit. Nihilominus jussis Regiis morem gerens, mordacique Invidiæ subtrahens vela, Valachicarum copiarum certus, sex millibus tantum Polonorum subnixus, in illam infelicem descendit aream. Ingruentibus namque quinquaginta Turcarum, totidemque Tartarorum millibus,



horum Dautel Gierejo, illorum Skinderbassa, Ductoribus; Gratiano verò, suis cum Valachis perfido, ac demum fugitivo, integro octiduo, inquietis & insomnis cum toto Exercitu, jam velitationibus, jam proeliis, jam diurnis nocturnisque per Scythas continuis aggressionibus impar, dum pertinacissime restitisset, Turcasque veluti desperabundos rei, repressisset; à Kantimiro Murza, quod Nomen, ferrum sanguineum denotat, famoso Tartarorum Bellatore, & Roxolaniæ infami prædone, immanique multitudine Scytharum, & quod omni periculo maximum; lixarum Castrensiū sub ipsum belli æstum, seditione orta, currusque Ducum suorum dirripiente; oppressus in Campis, Cecora nuncupatis, succubuit. Filius ejus JOANNES Zolkievius, ex Regina Herburtowna progenitus, Theophilæ Danilovicæ Frater, cum Fratre suo Patruale, jam lethaliter faucii; salvando IMPERATORI, rem ferro manuali, & pedes gerenti; submiserant equos: quibus ille spretis, imo interfici jussis, magnanimo effato suam solatus vicissitudinem: IMPERATOREM stando oportere mori, respondit, ibique Pastorem, ubi dissipantur oves, occumbere, ne quæratur postmodum, qualiter dispersæ sint.

Hac victima gloriosè in Acie cadente; JOANNES Zolkievius Filius, Rubieszoviensis; & Lucas ex Fratre IMPERATORIS Nepos, Kalussiensis Præfecti; vulneribus hosticis cruenti, cum STANISLAO KONIECPOLIO, Imperatoris Genero, cir-



ca fata hæc, jam Campestri Clava à Rege, SIGISMUNDO, decorato, captivitatem; Primus Scythicam, reliqui duo, Turcicam, Constantinopolim abducti subiére, quo & Caput Imperatoris ZOLKIEVII, tota die prius Palo ferreo præfixum & ante Tentorium Skinderbassæ spectatum, mox ipsi Orientis Tyranno transmissum. Quod cum ferali Spectaculo, diu Turcicos pavisset oculos, à REGINA HERBURTOWNA, Conforte Vidua derelicta, magno lytro redemptum, in Civitatem Zolkiew à suo Nomine dictam, & Ecclesia Parochiali, ac insigni Præpositura, Arceque decoratam, asportatum, cumque Corpore generoso compositum, tumulo per ipsum condito, illatum est; sepulchrali Monumento Inscriptione apposita: Exoriare aliquis nostris ex ossibus Ultor.

JOANNES namque ZOLKIEVIUS, Rubieszoviensis Præfectus, Patris bello interempti ac Matris lachrymabundæ Filius, post ingentem Pecuniæ summam in vim Lytri Scythis persolutam, pro qua excudenda, Monetariæ Officinæ apertio, lege publica DOMUI ZOLKIEVIANÆ permissa fuerat, ab illa Captivitate redux, Cicatricibus Vulnorum, incommodo viarum recrudescentibus, inter meditata vindicandi sanguinis Paterni, brevi extinctus; eidem monumento appositus est. LUCAS verò ZOLKIEVIUS, ipsius Patruelis; cum Stanislao Koniecpolio per Christophorum, Ducem in Zbaraz & Wisniowiec; ad Achmetem, Turcarum Imperatorem, à Rege SIGISMUNDO le-



gatione publica perfunctum, biennio post non sine grandi pretio liberati, ac Reipublicæ restituti: quorum primus Kalussiensis Præfectus sub tempus Interregni Sigismundiani, ad incurfiones Tartarorum à finibus Regni avertendas, ad Skalam, vulgo Rupem Podolicam, Exercitibus Regni Præfectus, post navatam omnigenæ securitatis operam, strenueque tutata ac custodita Podoliæ confinia, non diu superstes, gloriose Martiali decessit Officio: alter Castellanus Cracoviensis & Supremus Regni Exercituum Dux, ob memoriam Soceri, morte heroica sublati, tum ob vulnera in bello suscepta, ac Viriliter toleratam captivitatem, in qua de propugnanda Patria non desperavit, designatus fuit.

Hæc est illa Clades Poloniæ memoranda: hoc Domus totius ZOLKIEVIANÆ pro Gloria Crucis expirium, quod non Hostium vis, non locorum iniquitas, non dira fames, non perpestæ superatæque intulerunt æumnæ; Discordia nostrorum, & perfidia Valachorum est, quæ rem perdidit. Exstat in illis campis etiamnum marmorea Columna, quæ conspersos sanguine ZOLKIEVIORUM campos repræsentans, quam dulce & decorum sit pro Patria mori, apertè indigitat, non sine Populorum lachrymis feralem hanc Memoriam deplorantibus. Is tandem finis erat Viri, si cujuscumque Imperatoris artibus eminentissimi. Nobilitas generis perantiqua. Pater STANISLAUS ZOLKIEVIUS, Russiæ Palatinus, Togâ Sagoque insignis; conjunctio-

ni-



nibus illustrium & præcipuarum in Regno Poloniae Familiarum, utpotè Herburthorum de Fulztein, Comitum de Tęczyn, Firleiorum, Ja-  
żłowiecciorum, Goraysciorum, Tarłonum, Fre-  
drorum, Wapowsciorum, quorum plurimi de re-  
bus gestis Polonorum Scriptores, heroica recen-  
sent Acta, interfertus, ac clarissimus.

Ex horum itaque Materna, Aviali, & Proavia-  
li linea, STANISLAUS, Theophila, & Dorothea;  
DANIELOVICIUS processit sanguis, & ut fortes  
creantur fortibus, ac bonis, in hoc STANISLAO  
supparem Majoribus suis spectavit gloriam. Is sub  
ULADISLAO Quarto, Poloniae Rege felicis-  
simo, Annos juveniles Moschovitico exercuit Bel-  
lo, quo Princeps hic Imperium illud, violatae sibi  
fidei, datique in dominium Sacramenti rerum,  
vindicibus edomabat armis. Aderat Regi Comes,  
egregius Juvenis, millenis stipatus Viris, innata  
fortitudine eximius, & in obsequium, Martiales-  
que expeditus ardores. Quibus tantum favoris Re-  
gii promeruerat, ut quamvis ob duellum in Arce  
Varsaviensi cum Kalinovio strenuè peractum, sub  
tempus jacentis adhuc in mortali Sarcophago cor-  
poris defuncti SIGISMUNDI, Patris, à Suc-  
cessore Filio, ægrè acceptus esset, ob memoriam  
tamen ingenuæ illius in Moscovia Virtutis, condi-  
gnæ æstimationi Regiæque gratiæ redderetur.  
Quapropter in Prussiam iterum contra GUSTAVUM  
ADOLPHUM, Suecorum Regem, egregiam Viro-  
rum sumptu proprio adduxit legionem; sed illius



belli præludiis, interventu Galliæ, Angliæque Medi-  
ationis compositis, otium in pace fastidians, Ma-  
jorumque suorum eximia revolvens gesta, Avique  
& Avunculi, effusum in Campis Cecorensibus  
cruorem, quoquo modo ulcisci volens, collectis  
non modico ære Copiis, Cosacos quoque impule-  
rat, ut Scythas ad confinia Podoliæ, suasque di-  
tiones per desertos campos, tuguriis mapalibusque  
suis appropinquantes, repelleret, rejiceretque.

Favit aliquoties prosperior Fortuna Votis, non  
tamen ad exitum: quippe volentem ducere, invi-  
tum trahere sueta; dumque Virtute magis, quàm  
Viribus animosior numerosam Scytharum multitu-  
dinem ardore Martio invaderet, nec Amicis, nec  
Commilitonibus, ut fervorem temperaret inna-  
tum, auscultans, equo occiso dejectus Scythicum  
subiit jugum, à Netzey Murza captus satisque hu-  
maniter, ultra morem barbarum, habitus fuit. Ne-  
que desponderat animum melioris quandoque Sor-  
tis, quæ plerumque Viris invida fortibus, nisi Can-  
timirus Murza, cujus sanguineo ferro, Maternus  
ipsius occubuit Avus, primus in eo conflictu bel-  
lator & ductor, captivum hunc reddi sibi mandas-  
set. Debuit extradi Viro, qui in tantum bellica  
Felicitate, faustoque populandi successu, apud  
suos Populares evaluerat, ut dominatum super se  
Hani Crymmensis, seu Tartarorum Reguli, ope  
Turcarum adjutus, excuteret; ab ipsis postea præ-  
fectura Bessarabiæ donatus, ac tandem suffocatus.  
Hic ad Oppidum Uscie in Russia, juxta Pauli Pia-  
seccii



seccii, Episcopi Præmyſſienſis, Rerum Polonarum  
Scriptoris Udicza vocitatum cum Polonis decer-  
tans; STANISLAO ZOLKIEVIO, Palatino Kiioviæ,  
Campeſtrique pro tunc Exercituum Duce id mu-  
nus belli obeunte, Filium annorum octodecim,  
natu Majorem amiſerat, adeoque Vindiſtam ſpi-  
rans, dum captivum Stanislauum præ oculis habet,  
quisque Origine, Vocabulo ac Dignitate eſſet, in-  
terrogat? Ubi Palatinidem ſe Kiiovienſem ex di-  
gnitate olim Paterna vocitari inaudiit, aliquem ex  
Filiis Zolkievii, indiftincto cognomine eſſe repu-  
tans, ſecundo genito ſuo Caput illi amputari man-  
dat; tergiverſanti, & forſan opimum Servitutis ly-  
trum reſpicienti, minas intentat, Filium ſe ejus  
non agnoſceret, cujus juſſa exequi nollet, Serpen-  
temque hunc in morſum Scythicæ gentis vivum  
amplius non pateretur, & Fraternal ſanguinem  
vindicaret; tali adaſtus ſtimulo, languida præ com-  
paſſione manu, Captivo collum vulnerat, non e-  
necat; donec barbarica rabie inceſſus Pater Satel-  
litem ad tranſfigendum captivum adegit. Sic in  
Sanguine frigido, atque Mortis horrore concreto,  
nec per æſtum belli fervido, glorioſa concidit Victi-  
ma. Cujus corpus ille demùm Netzey Murza, ſi-  
bi à Cantimiro permiſſum; cum Rzeſzovio, occiſi  
Ephebo; ad Theophilam Daniſloviciam Sororem,  
honeſto comitatu in Zolkiew remiſit, ubi monu-  
mento Avi ſui materni illatum eſt. Sic decedente  
per cruenta bella Zolkieviana Domo; ampla &  
opulenta in Ruſſia hæreditas bonorum, in Unicam



Filiam, Sophiam Zolkiewska, Theophilæ Danilovicæ Matrem devoluta, post Familiæ Sobiescianæ per successionem Jure naturali adjuncta est.

Expedita igitur Zolkieviorum, ac Danilovicorum, pro gloria Crucis, ac defensione Reipublicæ, sanguinem copiosè in arena Martis litantium, Genesi, demum ad JACOBUM SOBIESKI, Castellatum Cracoviensem, regredi necesse est. Is cum superius dicta THEOPHILA DANILOVICIA, MARCO Filio procreato, JOANNEM SECUNDUM, imo Secundissimum, quia futurum Poloniæ REGEM, hujus Nominis TERTIUM, tum SOPHIAM, infantili morte sublatam, demùm CATHARINAM Domino in Ostrog & Zasław Duci, Palatino Cracoviensi, primis Nuptiis elocatam; secundis verò MICHAELI in Olyka, & Nieswiesz RADZIWILO, Principi, Magni Ducatus Lithuanie Procancellario, & Exercituum Campiduci conjunctam, extremò ANNAM, in Conventu Leopoliensi, Ordinis Sancti Benedicti Virginem Professam, & in ætate juvenili mortuam, non sine gloria ac singulari Familiæ suæ Ornamento progenavit. Eximia illius in Rempublicam merita, anterior pagina recensuit; nunc tanti Parentis primogenitus MARCUS, in arenam descendit. Magnam spem, & Patriæ, & inclytæ Domui, hic egregius prætulera Juvenis. Literis namque humanioribus imbutus, ubi cum JOANNE natu juniore, in exteras Nationes studiorum, visendarumque Regionum exoticarum causa mitteretur;  
in-



instructioni sibi à Patre datæ, quâ Prophetico planè Spiritu, quo ad Saltus choreasque discendas libero ipsorum Arbitrio relictas, addiderat, reversuris in Patriam abunde fore Chorearum cum Tartaris; plusquam efficaciter respondit. Redux etenim post Fata jam gloriosi Parentis sub tempus JOANNIS CASIMIRI, in Regem Poloniæ electi; post illam immediatè infelicem ac probrosam Polonorum, cum Scythis & rebellibus Cosacis, Duce BOGDANO CHMIELNICIO, Pilavensem expeditionem, ubi circa salutationem Matris, ab illa serio, & Virili ejus animo audiret: nunquam se noscituram pro Filiis, tales Filios, qui simili dedecore Martialem defererent aciem; primo contra eosdem hostes, jam Crasnostaviensem Præfecturam nactus; Regi CASIMIRO ad Beresteciam, decora Virorum cohorte affuerat, Ibique tyrocinio militiæ deposito, aliis quoque expeditionibus, & manum & Personam non subtraxit. Demùm gloriæ Martiali indulgens, Majorumque suorum heroicis insistens Vestigiis, inter quos, sæpius à Marte, Avum, Proavum, Avunculum bello prostratos pro gloria Crucis & fide Orthodoxa inaudiverat; Scutoque gentilitio frequentius sibi monstrato, aut in hoc, aut cum hoc: illud Spartanæ Viraginis, insculptum, ac interpretatum legerat, seque ad fortia gesta hac Impressionem exercitari sentiens, ad Batovum in Ukraina fluviumque Boh; antiquis Hyppanim sub Kalinovio, Bracлавienfi Palatino, infelici pro tunc Exercituum Du-



ce, contra eosdem Scythas rebellesque Cofacos, pertinacissime dimicans, ac toto simul Nobilissimi Exercitus robore ob ingentem hostium multitudinem oppresso succumbenteque, Ipse quoque faucius & cruentus, captivitatem Scythicam subire cum aliis debuit. In qua à Nuradino Sultano, de genere famosi illius Kantimiri Murza procedente, postridie barbarico ferro interemptus, occumbentibus simul eadem tyrannide ultra Jus belli, quia captivatis, trecentis præstantissimis Commilitonibus; adeò reliquis indignabundis, ob amissum lytrum Tartaris, ut feritatem hanc planè belluinam, palam Nuradino exprobrarent. Corpora mactatorum extra castra projecta & inhumata, campos illos Batovienfes cruore; Æthera miseratione implevêre: præfagus ille Matris lachrymabundæ Spiritus, nec ossa, nec corpus vidit Filii; quod Avi, Proavi, Avunculi, inferret Sepulchro.

JOANNES vero Secundogenitus, sub hoc infaustum bellum ad Majora ipsum fervante coelesti Dexterâ, gravi morbo Leopoli decubuit. Is natus in Olesko Russiæ; uno tantum milliari ab Albo Lapide, sic vocatur Civitas, distante, ubi MICHAEL quoque Korybuthus Wisniowiecius, postea Rex Poloniæ in lucem prodiit; non absque singulari Numinum Providentia, REGES POLONIÆ DUOS, in Russia bellacium Virorum feracissima, Magnos, Pios, Felices, Augustos prodiisse. Infantiles JOANNIS cunas, Stanislaus Danilovicus, Maternus Avunculus, à Kantimiro interemptus;



ptus; ejusque Mater, sua verò Avia, primi aspexê-  
re, & usque ad sua fovêre Fata; quas prodigioso  
sub tempus genituræ Tonitru, Fulminumque cæ-  
litus vehementer detonantium Coruscatione, illu-  
strissimas quandoque; deinde & Serenissimas por-  
tendebant. Nec fefellit pios Educatores, licet  
non diu superstites, gloriosissimus eventus. Præ-  
fecturam enim Javoroviensem sibi à Parente ces-  
sam suscipiens, REGI CASIMIRO, cum Scythis Co-  
sacisque rebellibus, ad Zboroviam in Russia pu-  
gnanti, numerosâ lectissimorum militum Cohorte  
equestri, præsens affuit, & ut inclyti Sanguinis de-  
cebat Virum, per prima Belli tyrocinia fortiter  
cum hostibus dimicans, tantam Juvenilis ardoris  
monstravit strenuitatem, ut brevi, Regni Vexilli-  
feratus honore, à REGE decoraretur. Hic jam la-  
tissimus aperitur campus, in quo JOANNES  
per Martia inclarescens, & succrescens Facinora ad  
Solum Virtutis enixus est. Moschis enim pro  
tunc, rebelles Cosacos à Dominio & subditatu  
Polonorum, conjunctione verò bellica Scytha-  
rum, ad se retrahentibus; Suecis autem nondum  
expirato Sztumdorfienfium Induciarum tempore,  
in Poloniam irruentibus JOANNES, Equestri-  
um legionum Tribunus, potissimam bellandi cum  
iis partem sustinuit; ipsum Regem CAROLUM,  
inter confluentem Sanum, & Vistulam, partim  
velitationibus, partim obsidione distinendo, ex  
qua dum Generalis Suecus, DUGLASSIUS, Regi  
suo eliberando suppetias sex millium Suecorum



duceret; pedestribus Copiis ad custodiam obsessorum relictis, ipse cum CZARNECIO, obviam succursui venienti profectus, tranato ad Oppidum Warkam Fluvio Pilcza; vernâ tunc Nivium resolutione intumescente, nec Pontem patiente, eundem inopinatò aggressus fudit, dispersumque octo milliaribus Varfaviâ usque insecutus cæcidit; quocunque se demùm obverteret, ubiq; Superior hostibus evasit. Interim GEORGIO RAGOCIO, Transylvaniæ Principe, in ruinam Poloniæ, cum Sueco conspirante, ac quadraginta collectorum Valachorum, Sicularum, Transylvanorum, Serborum, Cosacorumque millibus Regnum hoc inundantibus & Igne ac Ferro depopulantibus, JOANNES, cum GEORGIO LUBOMIRSCIO, Campestri pro tunc Regni Exercituum Duce & Mareschalco, Transylvaniâ vindicibus ingressus Legionibus, pari talione Vicini & Inimici Principis Ditiones exercuit; indeque regrediens eidem RAGOCIO jam à Suecis diffociato & in Hungariam fugienti simili, obvius factus, victrices objecit Legiones, quibus profigato ad Magieroviam Hoste; Manubias, verius Prædam, rapinis per Poloniam exercitis partam, ac tandem tractatum repetundarum extorsis; obsidesque donec Reipublicæ, REGIQUE CASIMIRO pro illatis damnis & populationibus satisfieret, evicit; quem deinde Tartari, in succursum Polonis advolantes, jam Tractatibus securum, ad Kulicoviam internecione & captivitate mulctarunt; Turcæ verò ob injuste Polonis illatum bellum, fœde-



30  
deraque violata, Principatu Transylvaniæ, privarunt.

Subsequentibus post fata CAROLI, Suecorum Regis, ad OLIVAM in Prussia Pacis foederibus; Moscoviticum bellum, advocavit JOANNEM: in quo Scytharum auxiliis, cum Sefer Kazy Aga Tauricanorum Ductore, apud quem anterioribus bellis, Obsidem pro Polonia egerat, actus, & optimè cohærens; præclara strenui Ducis exhibuit opera, sæpius hostem, & acie aperta, & locorum insidiis prosternendo, donec ex his cruentis Præludiis, ad decretoriam Pugnam sub Cudnowo deventum esset; ubi Szeremetho, Moschorum Duce, statariam aciem cum Rege CASIMIRO declinante, majoresque suppetias, quas tum GEORGIUS Chmielniczenko, Cosacorum Dux, quadraginta millibus suorum subnixus ferebat, præstolante, ac obsidione à Polonis constricto; JOANNES cum superius dicto GEORGIO LUBOMIRSCIO, suppetiis Cosacorum dissipandis à Rege ordinatus, eas in Ukraina ad Oppidum Slobodyszcz, exigua Polonorum manu, tempore, quo Castra metarentur, fortiter aggressus profligavit, ipsumque Ducem captivatum Regi CASIMIRO in Vinculis, ut rebellem, adduxit; qua Victoria territi Moschi, Cosacis sub Cieciora Duce sibi pro tunc adhærentibus, & ad consternationem profugis, deditionem cum omni apparatu bellico fecerunt, ipso Duce Moschorum, in Tauricam per Scythas auxiliares abducto.



Tanta rectè factorum Gloria cumulatus JO-  
ANNES, ac Regi CASIMIRO per fidelem  
probatum operam; GEORGIO LUBOMIRSCIO, ob  
civile bellum ad Matwii, locus aciei fuit, cum  
Principe gestum, exauthorato, ad Clavam Campe-  
strem, Scipionemque Regni gerendum, in Vim  
Meritorum successit; ac in Vitæ thoricque Conju-  
galis Sociam, magnorum GALLIÆ REGUM  
Sobolem, Illustrissimam MARIAM CASIMI-  
RAM, Marchionissam de Arquian de la Grange,  
per INNOCENTIUM XII. Pontificem Maximum,  
origine Pignatellum, Nuncii pro tunc Apostolici  
in Regno Poloniæ ad Regem CASIMIRUM,  
Remquepublicam charactere gloriose fungentem,  
Varsaviæ copulatam fausto accepit Hymeneo. Cu-  
jus vetustissimam in Regno Galliarum & Navarræ  
Prosapiam, ipsa Tertiæ propaginis MONARCHA-  
RUM GALLIÆ origo, aperte lucideque demon-  
strat. HUGO etenim CAPETUS, quo ad virilem  
à PIPINO, quo ad Fæmellam, à CLODOVÆO pri-  
mo Catholico, Galliarum Regibus; serie non in-  
interrupta descendens, clarissimæ ipsius prælusit  
Genesi. Ducta namque in Conjugium Adelaide,  
Ducissa Pictaviensi, ROBERTUM Filium, sanctum  
& prudentem vocitatum progeniit, qui CON-  
STANTIAM BLANCAM dictam, VILHELMI, Co-  
mitis de Arles & Provinciæ Filiam, in Consortem  
nactus HENRICUM Filium suscepit: hic demùm  
Annæ Jaroslai vel Jurisclo di Regis Russiæ Filiae,  
copulatus, PHILIPPUM Primum procreavit, quo

BER-



BERTHAM, Florentis, Hollandiæ Comitis, Filiam,  
in Uxorem ducente; prodiit LUDOVICUS, Sextus,  
Grossus, seu Crassus nuncupatus, & accepta in Vi-  
tæ thorique Sociam Adelhaide, HUBERTI Mori-  
ennæ & Sabaudia Comitis Filia, LUDOVICUM Se-  
ptimum, Juvenem & pium apellatum Orbi Chri-  
stiano produxit; Is ducta in Consortium Alice,  
Thebaldi Magni, Campaniæ, Blesia, & Carnuten-  
sis Comitis, Filia PHILIPPUM Augustum, qui  
cum ISABELLA Hannoniæ Ducissa, LUDOVICUM  
Octavum, ex quo cum Blanca, Regni Castellæ Fi-  
lia copulato LUDOVICUS Nonus, dictus Sanctus  
Orbi Christiano venerandus prodiit. Ipse demum  
Margarethæ, Provinciæ Comitissæ, seu Ducissæ  
conjunctus, PHILIPPUM Audacem, Regem Gal-  
liarum, progeniit; qui cum ISABELLA, Regni  
Arragoniæ Filia, CAROLUM, Franciæ Principem,  
Comitem Valesium; & hic cum Machtilde, San-  
cti Pauli in Britannia Armorica, Principissa; ISA-  
BELLAM Valesiam, & PETRUM, nomine Ducem  
BORBONIUM suscepit, ex quo cum CATHARINA  
Borbonia conjuncto, JOANNES Tertius, Comes  
Harcurianus processit; ipseque Margarethæ Har-  
curianæ associatus, JOANNEM in Des Touthevile  
Dominum; & ROBERTUM in des Ansuboie iti-  
dem Dominum procreavit. Hic ROBERTUS, ex  
Maria de Sainte Beufue; CATHARINAM Des Tou-  
teville, & CAROLUM Santmauræum de Nesle su-  
scepit, qui cum ANTONIA Santmauræa copula-  
tus, ex hoc connubio, FRANCISCUM Baratho-

Q

nium



nium Broffium, & alterum itidem FRANCISCUM Broffium, Fratres inter fe germanos edidit, ex quibus Junior natus, cum Barbara de Mornay, Domina d'Acher suscepit JOANNEM Primum de la Grange, cujus dein cum CATHARINA de Montepedon matrimonio progenitus est JOANNES Secundus de la Grange, qui ducta in Conjugem Margaritha de Pomoy, Filium habuit GABRIELEM de la Grange, is postea e Conjugio Catharinæ de Guiverlay Pater fuit JOANNIS Tertii de la Grange, Domini de la Reculee Superioris & inferioris Fovillay de Chaumoy, de Vefure, & des Barres locum tenentis Artilleriæ. Hoc Patre & Matre HELENA de la Riviere editus est GODEFRIDUS de la Grange, Dominus de Montigni d'Arquian: Hic adjuncta sibi thori Socia JOANNA de Guitois procreavit FRANCISCUM Grangesium, seu de la Grange, Dominum de Montigni & de Angillon. Hic in Aula HENRICI TERTII, Regis Galliarum educatus, quo se tanta stirpe creatum monstraret, primo Equitum Centurio; dein Primus Dapifer, ac post Gubernator de Beri, Bloa, Dunoa, Vandomi, tandem levioris armaturæ Campi Magister, ac Magnus Artilleriæ Præses, & Parisiensis Gubernator, a Rege destinatus, oblatis sibi Officiis ac Muniis egregiè respondit & cum GABRIELA de Crevant, Claudiani Domini de Boues inclyta Filia, CAROLUM Grangesium, Dominum de Montigni & de Arquian procreavit, qui Regii Ordinis Eques factus Gubernatorem Charitatis, & Ducis de  
de



de Luxemburg cohortium Præfectum, eximie sustinens, LUDOVICAM, GVILHELMII, Hæredis de Jarts cher Filiam, de Rosievert, & de Botau Dominam, Consortem primo Voto, altero verò ANNAM BRILLANTIAM nactus, ex ea ANTONIUM Grangesium, Marchionem de Arquian progeniuit. Is Prior Capitaneus & locum tenens Præfecturæ Excubiarum Regni Galliæ creatus & Gubernator de Sancerre, Calais, Metz, & Gien sterilitè binis cum Consortibus vivens; ex ANNA Tertii Voti Dancienuille, Domina de Prie, HENRICUM Grangesium, Marchionem de Arquian, Comitem de Maligni suscepit, qui Ducis Aurelianensis unici Fratris, Regis Galliæ excubiarum Præfectum, & Campi Magistrum agens cum FRANCISCA, JOANNIS BAPTISTÆ Santronii Hæredis de Brilbo Filia, felicissimo Connubio, LUDOVICUM Comitem de Maligni, JOANNIS TERTII, Regis Poloniæ, Excubiarum Præfectum; LUDOVICAM MARIAM Grangesiam, FRANCISCO de BETHUNES Marchioni elocatam; tertio partu MARIAM CASIMIRAM Grangesiam, Primo voto JOANNI ZAMOYSCIO, S. R. I. Principi, Palatino Sendomiriensi, in Regno Poloniæ Nuptam ex quo prolem quaternam susceptam & morte infantili sublatam habuit; Secundo vero JOANNI SOBIESCIO, pro tunc Regni Poloniæ Summo Vexillifero, demum Supremo Campi, ac ejusdem Regni Mareschalco, ac post REGI Poloniæ, ejus Nominis Tertio, copulatam: quar-



to nifu MARIAM Annam Grangesiam JOANNI WIELOPOLSCIO, Comiti, Supremo Regni Poloniæ Cancellario, conjunctam: quinto, Filium Equitem Melitensem factum, Regio lateri LUDOVICI XIV. Galliarum Regis Trajectum ad Mosam fortiter oppugnantis, adstipulantem, ibique pila tormentoria violenter enecatam: Sexto & septimo, binas Virgines, Ordinis Sancti Benedicti Moniales Professas, (quarum una Niverniæ, altera Burgesii mortuæ) progenuit. Fortunatus tanta prole PARENS, utpote qui ipsemet diuturniori beatus Vita suavissimos sui Connubii non sine intimo Cordis solatio, ac larga Coelestis Benedictionis affluentia spectavit, & suspexit fructus, ac tandem Cardinalitia ab Innocentio XII. Pontifice Maximo, decoratus Purpura; visa Filia Poloniæ Regina, Nepotumque & Pronepotum ampla serie, plenus dierum, in Urbe Romana, Orbis Domina, in pace quievit.

Meritorum interim, rerumque in Polonia per JOANNEM gestarum interpolatum tantisper lineis Genealogicis, reducendo Filium; Campestri clavâ Regni Scipione, decorato JOANNI primas, easque maximas curas Imperii, & quo ad Bella cum hostibus gerenda; & quo ad Leges in Republica, finesque Regni tuendos Pacemque foris, ac domi stabiliendam, ut pluribus Munimentis insisteret, Rex Poloniæ, JOANNES CASIMIRUS commiserat, dataque in Sociam Vitæ dignissima Consorte, ad fortia gesta fidem-  
que



que in periculis fervendam obligaverat. Heroicis namq; cumulatam Virtutibus, præfago quasi Spiritu, Regni quandoque habenas gloriosè capeffiturum prævidit. Ipse vero curarum anxius, Bellorum multiplici serie confectorum pertæsus, ætate & laboribus fessus, invidiæ ac fugillationibus in Gente præsertim libera obnoxius, fastidito populari Regimine, Reginaque inter hæc LUDOVICA GONZAGA Conforte suâ orbus ac Viduus, Principum Christianorum, ipsiusque Summi Pontificis dehortationibus immobilis REGNUM, quod liberis Gentis Polonæ suffragiis acceperat, pace ac tranquillitate cum Vicinis Principibus gloriose parata, sponte ac libere abdicandum, in Animum induxerat, & dum arcanum hoc Mentis suæ propositum, Generalibus Polonorum Comitibus evulgandum protelat; indomita Cosacorum Zaporovienfium, Duce Dorofzenko, toties cruentissimis profligatorum proeliis Rebellio, iterum exarsit Scythasque Tauricanos suis associtos Agminibus, in oras Poloniæ Ferro, Flammis, & populorum Captivitate vastandas eo celerius induxit, quo securius toties ingenti præda onusti, Exercitu Polono, per varia Bellorum discrimina diviso ac distracto, impune grassarentur ac in Tauricam remearent. Sed senserunt intrepidum Vindicem ac Bellatorem JOANNEM, qui Sepulchralibus Majorum suorum monumentis, & innata heroico Sanguini Fortitudine excitatus; bellacem Dexteram ad vindictam Antecessorum suorum ulciscendas-

R. que



que Regni injurias ac Fraternalum Sanguinem apposuit.

Et primo quidem ad Podhayce in Russia irritus ille Barbarorum ritus majoribus ejus Trophæis præluferat. Namque Nuradinus Soltanus, Tauricanorum Ductor, quinquaginta millibus suorum stipatus, in Polonorum castra violento impetu irrupturus, & ob exiguum Exercitus manum, certus vincendi ferebatur, quem ejusmodi sagaci & ingeniosa, illique prorsus insperata, ut summus in re militari Archistrategus, circumventionem elusit, divisis quippe potioribus suorum copiis in illos viarum tractus, quibus palabundi Scythæ, ab incurfatis Russiæ pagis, reversuri præsentiebantur, in Mandatis dederat, ut equis benè alendis rei que strenue gerendæ, ubi postularet momentum, serio adverterent, & Hostes gravi præda, hominumque in captivitatem abactorum multitudine onustos, & caballis longiori ac velociori cursitatione emaciatis, ad pugnam fugamque invalidos, tum primum invaderent, excuterentque. Ipse interim ad Podhayce Equitum peditumque bis mille subnixus, stringi se Obsidione permisit, quò confertissima illa Scytharum agmina, partim distineret, partim frustraretur. Favet ex Voto successus. Namque Hostis dum obstantes in reditu legiones perumpere nititur, mole sua gravis in fugam actus & erumpenti cum Exercitu ex castris Duci objectus, prædam omnem captivosque amisit, ipso Nuradino, cum Ductore Cosacorum, Doroszeńko,



ko , sese ex acie subducentibus : occumbentibus  
verò, quod instar Prodigii est , viginti Scytharum  
millibus; Cofacis vero fufis fugatisque, reliquis in  
captivitatem abductis , plebeque Roxolana , ex  
servitute Tartarica, ultra quadraginta millia, liber-  
tati reddita. Patuit tunc JOANNI campus vin-  
dicandi de Nuradino fraterni sanguinis, nisi præ-  
peti fuga ex Acie decessisset , cujus tamen ultio-  
nem eidem Nuradino quandoque cruentam, per  
captivos Scythas in id consulto ad ipsum dimissos,  
viriliter indixerat. Clade fugaque suorum percul-  
sus Selingerejus Crimmenfis HANUS, iterum nu-  
merosiora ad Braclaviam, explicuit Agmina, rebel-  
libus Cofacis associata, quibus cum exigua licet,  
fortissima tamen Heroum Polonorum manu, obje-  
ctus JOANNES, aperta conflictatus acie, Tur-  
bam illam prædatricem veriùs, quàm pugnatricem  
felici profligatam conatu, eo usque adegit, ut Pa-  
cis secum quoquomodo ineundæ, postularet Fœ-  
dera; quæ aliter fancienda, victoriosus Dux habe-  
re noluit, nisi Tauricani suis ad Regnum Poloniæ  
prætensionibus , quibus amovendarum incurfio-  
num causa, Honorarium annuum, à Regibus Po-  
loniæ sibi offerri sæpius solitum, perurgebant, ope-  
ram suam auxiliarem, ad quamvis in Polonia Bel-  
lorum tempestatem pollicentes, in perpetuum  
exuerentur: Cofaci verò debitam REGI Regno-  
que Poloniæ subjectionem, in ordinem redacti, sa-  
cramento dicerent. Partis ejusmodi Pacis condi-  
tionibus, tranquillatisque Podoliæ oris Victtricem



palnam Vulneribus hosticis insertam Regno, Regique CASIMIRO, jam tum Regni sui abdicationem Statibus & Ordinibus Poloniæ universis evulganti, gloriosus præsentavit Athleta; à quo in coronamentum heroicæ Virtutis Supremam Exercituum Regni; POTOCCIO tunc, tanto Magistratu, Vitaque decedente, accepit Præfecturam.

Interim Regnum Poloniæ abdicanti CASIMIRO, liberis gentis Polonæ suffragiis MICHAEL, Dux in Zbaraz & Wisniowiec, Korybuthus Regum Magnorumque Lithuaniae Ducum Nobilissima Progado ob memoriam ac æstimationem Majorum suorum, præsertim verò recentissimas HIEREMIÆ Wisniowecii, Russiæ Palatini, Patris de hostibus Victorias, in Thronum Sarmaticum evectus, concorditer successit. Sub quo, non detumesciente Scythica Cosaticaque Rabie, & eo magis in ultionem exardesciente, quo frequentius à JOANNE, Lernæa hæc deprimeretur, concutereturque Hydra, & quod recenti novi REGIS inauguratione, irritæ sibi Pacis transactiones, suo cum Antecedaneo viderentur: OTTHOMANNUS ipse, Orientis Princeps, in Belli Societatem patrociniumque vocatus, periculo, ac incendio, quo vicinus arderet paries, facile commovetur, ruptisque quasi post expirium Domus Jagiellonicæ in CASIMIRO definentis, cum qua diutissimè manutenta, intercesferant, Foederibus, tota potentiae Asiaticæ mole, Regnum Poloniæ in MICHAELE aggreditur, præmissaque Tauricanorum inundatione, Igne



ac Ferro populorumque abactione, sæviente, ipse-  
met in Persona, Danubio Tyraque pontibus infra-  
tis superato, Urbem CAMENECUM Podoliæ, to-  
tius planè ex hac parte Christianitatis Propugnacu-  
lum bellico invadit Apparatu; ad quod ab hoste  
immani tuendum, quamvis JOANNES, Supremus  
jam Regni & Campi Mareschalcus, Præsidium  
Legionesque ordinaverat, muneri suo intentissimus  
ob civilem tamen Discordiam, ac Simultatem, he-  
roica illius Facinora, domi forisque malignè fugil-  
lantem, per Potocium, Cameneci pro tunc lege  
sancita Governatorem, nec susceptæ, nec intra  
mænia admissæ fuère. Hoc itaque rerum turbine  
Orientis Monarcha ACHMETES, solo terrore sui-  
que Exercitus ad obsidionem quâquâ versum di-  
sposti ostentatione, tanto potitus Fortalitio, pro-  
fanatis Altaribus, Delubris in suam Superstitionem  
conversis, Populo in subjectionem mandato, Ma-  
chometanæ fortunæ suæque litavit superbiæ. Nec  
contentus fortia, absque cruore obtinuisse, tu-  
mentes insperata Felicitate copias, Ductore Ka-  
plan-Pasza versus Leopolim, Russiæ Sedem, au-  
dacious promovet; ac si nullam ibi Polonorum resi-  
stentiam nactus. Sed fefellit Opinio Barbarum;  
JOANNES namque collectis, quantum potuit in  
Regno, malè tunc sibi, ob civiles Motus ac Dif-  
fensiones cohærente, Viribus, effusam illam gran-  
dinis instar vehementis Tempestatem, qua stre-  
nuissimorum Virorum memoranda fortitudine,  
quâ proprii corporis objectu Dux, an Miles, incer-  
S tum



tum, tamdiu Velitationibus, Proeliis, infidiis, variisque distinebat Artibus; donec ingruente frigidiori Autumno, pluviisque pruinosis sub Dio, Turcicum exercitum confumentibus, nec Voto suo potiri validis, lytro aliquali ab obsessis Urbis Leopoliensis Civibus spontaneè oblato, immanem illam removeret Procellam. Nihilominus de Martiali fervore non remittens, abeuntium tergo insistere, palantes cedere, qua uliginosis viarum anfractibus, obstare, qua sylvarum penetrationibus, fluviorumque exundantium tranatione impedire, ubique aggredi, invadere, fugientes insequi, projecto in omne periculum, mortemque Polonorum Exercitu, non neglexit. Irritatus suorum non absque strage recedentium contumelia Turcarum IMPERATOR, primo vere Selingerejum, Tartarorum Regulum, suis excivit sedibus, dato incurrendis Regni finibus, vastandæque Podoliæ mandato, qui incendiis, rapinis, Pagorum Civitatumque excidio præviis, graviora in ipsum Regni meditullium minaretur Fulmina. Castris itaque ad Niemieroviam positis, dum effusos illos Vultures, gravi præda per Poloniam corrasa, onustos, præstolatur reduces, incidit in ultrix JOANNIS Ferrum; quo palabundi prostrati, captivi liberati, omnis præda excussa, ipse demum ad Niemieroviam intutus, victorioso Marte, ulteriorem belli aleam prosequente perterritus, fugitivi in modum sese proripuit.

Necdum respiro fessis Legionibus concessio,  
non



non Sanguine ab armis deterſo, non Equis citato  
curſu fatigatis, pro exigentia reſectis, ecce novæ  
recentesque Tartarorum advolant turmæ, Duce  
NURADINO SOLTANO, conjurato quaſi in exci-  
dium Domus JOANNIS hoſte, qui ad Komarnum  
metatus, dum condenſatas Oczakovienſes, Bu-  
dziacenſes, Nahaienſes, Dobrucenſes, Crimmen-  
ſes, Bialogrodenſes, Calmucenſes Hordas, in di-  
tiones Podoliæ fertiliffimas effundit; ingentesque  
ex incurſatis Pagis Civitatibusque armentorum  
hominumque manubias abducit, inſperato JOAN-  
NIS, cum Viris fortiffimis, continuoque bellandi  
uſu, vincere aſuetis, ſuperventu fuſus, fugatus-  
que ac in opacum Nemus, ſylvasque Bednarovien-  
ſes ſibi fatales cum catervis propulſus, jam ſe vin-  
dicem JOANNIS manum evaſiſſe crediderat, cum  
inſiſtentes veſtigiis ſuis, Polonos etiam inter den-  
ſiffimas Arborum umbras, à tergo, à fronte verò  
Ruſticanam plebem ſecuribus, peltis, falcibusque;  
& reliquam bombardis, varioque armorum genere  
inſtructam, prius in hunc eventum per JOANNEM  
teſquis immiſſam, obviam habet; quæ fugientes  
ipſoque metu proſtratos, ac inermes, miris excru-  
ciabat vulneribus, jam ſectos in partes, jam mani-  
bus pedibusque truncatos, jam oculis erutis, ef-  
foſſisque, ac præciſis faucibus, naribusque mu-  
tilos, jam detracta corporibus cute in Arbori-  
bus ramisque, ac truncis pendulos, nihilominus  
ſpirantes, ultrici pro rapinis & captivatione tor-  
mentando manu, & adeò ad ſtuporem ſæviente;



ut reliqui Tartarorum cunei, ultro se ob hanc enormem Rusticorum rabiem, militi Victori, magis permittere maluerint.

Ergo tanta Hostium clade, fraternique sanguinis Ultione effervescens JOANNES, unum & aliud mille aureorum projicit, multoque pollicetur plura, quicumque militum suorum ipsum NURADINUM adduceret vivum; videret, inquit, Tyrannus copiam ulciscendi Fratris, suis nunc in manibus esse, quem ille inhumana feritate, non jure belli, quia captivatum laniaverat. Sed dilata Vindicta securum non faciet, donec Verbo, illi ad Podhayce dato, ab impia Cervice revulso capite, Chalybem meum imbuero, cui etiam nunc indulgere possem, mactatis pecudum more, tot millium Scytharum captivis, nisi humanum Cor, non feræ Tigridis, in pectore esset. At Nuradinus & per Victorem militem, & per plebes, passim in sylva, densisque nemoribus; passim in paludinosis uliginibus inter cannas juncosque palustres, mira indagatione diu noctuque quæsitus inveniri non potuit, Conscientia sceleris nefarium hominem tam sagaciter abscondente, ut integro octiduo, lacubus ad stuporem immerfus, planeque putredine emaciat & exsanguis, nudipes inde exiliens, perque densa gramina reptans, ad SELIMGEREJUM HANUM, tandem semivivus pervenerit; prout in subsequenti ad Kaluszam Pugna captivi Scytharum de illius fortuna quæsit, unanimiter retulere. Elapso ex cavea NURADINO, triginta sex insigniores



res Murzæ, familiarum suarum Antesignani: Sol-  
tani verò aliquot de sanguine HANI Crimmenfis  
procedentes, partim captivati, partim interempti  
cecidere. Abactorum populorum immensus nu-  
merus, libertati redditus, qui piis Votis, & suspi-  
riis DEO, pro Eliberatore oblatis, salutarem sibi  
decoravit Victoriā. Indomita nihilominus Bar-  
barorum feritas, populandique licentia, iterum  
subsequente anno conglobata, coactis Crymmen-  
sium Scytharum, rebellibus Cosacis associatorum  
agminibus JOANNEM, ad Kaluszam, Oppidum in  
Russia, castra metatum, numerosioribus agredi-  
tur cuneis; ubi continuis per quindecim dies Ve-  
litationibus, incursibus proeliisque, sine diei no-  
ctisque respiro factis; semper victrici retusa ferro  
ac propulsata, demum ultimario congressu fracta,  
& in fugam dissipata, cædibus & captivitate Polo-  
norum manus impleverat, fatis sibi adversis tam-  
diu pertinax ac iracunda, ut quoties armatas dex-  
teras in Victorem continuum & plane ex genio si-  
bi fatalem elevaret, toties amputarentur suoque  
exitio ingemiscerent. Clade Tartarorum quater-  
na, suorumque repressione perculsus OTTHOMA-  
NORUM Princeps, fortunamque Polonorum veluti  
ignivomum contra se Incendium sistere cupiens  
iterum erigitur armis, & classicum toto Oriente  
commoto, Poloniæ intonat; MICHAELE, Rege,  
primò ad Golebiam Universam Nobilitatem pro  
Patriæ defensione convocante; denuo Varsaviæ  
in Comitibus consultante, quibusnam Viribus tam  
T po-



potenti Vicino occurrendum esset; cum JOANNES, Supremus armorum Dux, consiliis, ex quo Mareschalcus ad tempus sepositis, toto illo triennio sagatus clypeatusque, & sibi, & Regno, Regique, ac populis, armorum objectu, pararet tranquillitatem, hostemque irruentem mordicus sine intermissione abigeret. Objectus est huic Polono Heroi, jam tunc Regni, ac Magni Ducatus Lithuaniae suffulto copiis, quæ ad nomen recens inaururati MICHAELIS, Regis, huic bello sese accingentis, primum fidei & fortitudinis suæ exhibituræ documentum, citius convolaverant, egesto circumdatus ad Chocimum in Dacia vallo cum quadraginta armatorum millibus Turca, Creten-sibus Victoriis tumidus, Ductore Husseinio Bassa, qui se ibidem hyematurus effossis terræ cinxerat aggeribus. Profectò ingens lapsura in caput Reipublicæ moles pependerat! ni illam vasto impetu JOANNES retudisset. Necebat moras hostis suis munitionibus confusus, & quasi præfago spiritu sibi metuens, plenusque & abundans omni com-meatu distinebat Polonum ad ultimas usque frigidioris Autumni ferias, jam penuria annonæ, jam defectu pabuli Equorum laborantem jam rigidiori coelo divexatum, donec ipsa dies, Divo Martino, Turonensi Episcopo sacra in extremam famelicum exercitum resolveret audaciam. Ergo nihil profuit hosti munitis hæsisse locis, itum est revulsis Aggerum repagulis ad gloriæ & Victoriæ Sacra-rium. Non segniter JOANNES Noster omnia in-vola-



volavit pericula, impegit primas castrorum vires  
ad illum Aggerem, qui non minus viro ac cespite  
fundatus, resistere nitebatur, perfracta sunt latera  
munimenti, inundata repente Turcarum castra,  
turbata acies, disiecti aggeres, consternati viri,  
profanæ tamen Barbarorum reliquiæ furore, & de-  
spiratione animatæ, arma adhuc ad pertinacem  
sumpserant defensionem, præsertim dum Victor  
exercitus quasi jam debellatum esset, sarcinis diri-  
piendis præcociter intentus, & per tentoria Tur-  
cica, opum congerie ampla, licentiose distractus,  
Rei periculum faceret. Non diu tamen obluctari  
potuit vesana illa potentia, Duce ad inopinatos in-  
sultus, militari & parata cautione, instructo, qui Ca-  
strorum meditullio inVectus Cor Hosti rapuit, cu-  
jus languidæ manus ita conciderant, ut omne in Pe-  
dibus præsidium, omnis in fuga salus esset, si huic  
quoque aperta pateret via. Interim partim fugien-  
tium terga, partim colla demetente Polono, alii  
telis infixi hædere, præcipites alii in fluvium Ty-  
ram, vulgo Dniestr proflire, ac transmeare eniti;  
cæteri ponte, vi ingruentium disrupto & dissoluto  
aquis rapidissimis immergi, quas cruore Turcico  
rubentes, hominumque ac Equorum multitudine  
infartas, cursumque suum sisti indignantes, plum-  
bea grandine in corpora naufragantium effusa,  
onerabat Victor tamdiu procellis insistens, do-  
nec fugitivæ illæ copiæ, excidio submoverentur.  
Ex altera parte perfugio Arx Chotimensis pa-  
tere videbatur, ad quam per scopulos, abru-



ptaque saxa migrandum erat, obversi in illam Turcæ, valido Polonorum impetu adaçti, fractis equorum hominumque cervicibus, in dehiscentes lacunas detrudebantur, morte undique indubia, & Ense Victore sæviente. Equidem proelium hoc arduum & cruentum, celebrisque Victoria, quæ prostrato quadraginta millium exercitu, confertas & adhuc recenti sanguine madidas VICTORI Duci cumulavit Laureas. Justâ profecto vindictâ feralem cladem hanc evenisse sibi Turcæ crediderint necesse, cum quibus, ut olim gloriosus Parens, JACOBUS SOBIESKI, Castellanus Cracoviensis, pacis foedera in præsentia OSMANNI Turcarum Imperatoris ad Chocimum panxisset iis violatis, eodem in loco, tanquam fidei ac Sacramenti reos, per Filium ultorem, feraciter tetigisset Nemesis.

Jamque Victrices palmæ, post infessam præfidiis Valachiam, ultrò in manus Bellatoris Nostri convolare videbantur, quas concussa Orientis potentia necabat. Unum tantum restabat diadema Regium. Exempto igitur è Vivis MICHAELE Korybutho Wisniowieccio, Poloniæ Rege, Leopoli, sub tempus belli Chotimensis, ægrè decumbente, qui moribundus pia Vota felicitis successus, in JOANNEM cum Turcis pugnaturum transtulerat, multi Competitores ad Sceptrum pomumque Regale capeffendum sese ingerebant; sed palmariibus trophæis redimitum JOANNEM, Poloni Regno suo dignissimum elegerunt, folioque Sarmati-



co bearunt; imò verius dicam JOANNE'S seipso  
Poloniam & Vota illius beavit. Non enim Augu-  
sto Diademate insigniri voluit, priusquam agonali  
plane Stadio, pro salute Patriæ contendisset, & ni-  
si hic inopinati Interregni obstaret eventus, Ca-  
menecum Podoliæ, clade Turcarum perterritum,  
pro tunc, festinantius Regno Poloniæ restitutum  
fuiſſet, invalescente Victoris famâ, illumque à  
continuandis bellicis progressibus, salute Reipubli-  
cæ ex acie mordicus evocante; quâ, prout fieri po-  
tuit, domi intusque stabilitâ, in Ukrainam denuò  
Electus tantum properavit PRINCEPS, ut im-  
pendentem sibi Patriæque, ab hostibus circa Bra-  
claviam metatis, interitum averteret, ubi satis præ-  
propero, modicoque militum numero, ob conti-  
nuas cum Barbaris luctas, nervumque Belli tot an-  
nis protracti deficientem, collecto, robur illud ex-  
tremum fermè incursionibus Tartarorum objecit,  
eorumque condensatam multitudinem, absque in-  
termiſſu copias suas laceſſentem, tam fortiter su-  
stinuit, ut Ipsum Legatione sua seria nè illa, ac per-  
ſtrictiva fuerit, compellare non omitterent; se-  
cum potius in Acie cruenta pacisceretur, Regnum-  
que nondum sua Coronatione firmum, nisi illo pri-  
vari mallet, repeteret; quam pertinaci contra se  
nisi minus ad ſtabilimentum Dominii profuturo di-  
gladiaretur. Sed prætermiſſo hoc Barbarorum ob-  
jectu, incessantibus diu noctuque supervenienti-  
bus congressibus, demùm & ipſo proelio Victor,  
ex illo ad CORONAM REGALEM remeavit campo.



Tantus quippe erat in JOANNE galeæ militaris ardor, ut integro biennio pertinaci quodam certamine contenderit cum CORONA. Ignorabant plane Poloni, REGEM habuerint, an MILITEM? quod nunquam potuerit dedidicisse DUCEM, imo REX aliter esse noluit, nisi simul & MILES esset. Tandem post biennalem Regii honoris cum agone Castrensi luctam, coronavit illud Augustum CAPUT grata POLONIA; quod ferrea per tot annorum decursus gravavit Cassis. Ejusdem felicitatis SOCIA & particeps facta MARIA CASIMIRA, Consors, quæ Regali diademate evincta; præmioque Virtutum Illustrium decorata, sæcunda MATER extitit. Enixo namque JACOBO, Principe primogenito Filio; subsequen-  
tibus annis, Filias novem morte infanti-  
ctas, THERESSIAM, CUNEGUNDAM  
Superstitem, tum ALEXANDRUM, demum  
CONSTANTINUM, & JOANNEM triennali Vita  
perfunctum, Regios Poloniæ ac Magni Ducatus  
Lithuaniæ PRINCIPES, ac Principissas Orbi Chri-  
stiano, fausta genitura prodidit, quos inter Deli-  
cias Generis humani, utpote tanto Connubio pro-  
creatos, GENS POLONA coluit & suscepit, Or-  
bis Europæus interventura generatione, maximos  
inter Christianos Principes immiscuit ac distribuit.  
Non diu tamen JOANNEM quietum tenuit  
Solum, quem ad ultiores ex Barbaris legendas  
victrices Laureas, Roxolanum invitabat solum.  
Ad metam ergo perennis Gloriæ decurrendam; æ-  
mu-



mulum rursus IMPERATOREM TURCICUM, Coronatus habuit PRINCEPS, cui per vindictam reprimendo, octuaginta Scytharum, triginta verò Turcarum millia immiserat, castrisque ad Zorawno in Russia, Ductore SERASKIERO, omni bellico apparatu instructo, metari & in quemvis eventum, Dacicis, Moldavicisque subsidiis convolare iussis, pugnaturum præstolabatur; sed cautum & sagacem Excubitorem reperit JOANNEM, qui in occurrendo periculis intrepidus, in Hoste amoliendo perspicax, in assultibus fortis, in ambiguis animosus, utrisque obnixus plantis, imminenti-  
bus supra cervices Polonorum fatis, fuit colluctatus. Rapuit nempe effrenato furori laxatas habenas, Equum, & Ascensorem prostravit, aggeremque non alium hosti, quam corporis sui objectum posuit: nimirum quindecim millia bellatorum, centenis barbarorum millibus suffecisse ratus, statariam non reformidabat Aciem; donec post cruenta Belli præludia, tentatasque sæpius Scytharum multitudine aggressiones, ad scopulum Virtutis Polonæ allisus hostis, cædeque suorum aliquoties rejectus ac imminutus, ulteriori destitit molimine; imo cum iisdem Scythis impellentibus, cladisque suæ prælagis, sollicitatus & inductus Turcarum SERASKIERUS, non omitteret, si Poloni inclinarent ad Pacis tractatum, rem esse cum fortibus & in omne periculum projectis Viris, quos Nomen, REGISque recens Coronati præsentia sibi bellis apprime noti, in extremam accenderet audaciam,



alioquin cunctis succumbendum fore. Juvit efficaciter, imò ferventius urfit Scytharum propositum, provida subtilisque inventio REGIS, qui dum in Succursum Lithuanicas copias ad Urbem Leopolim subsistentes, MICHAELE Radzivilio, illius exercitus Campiduce & Cognato suo, præstolaretur & ob infessa undique ab immensa Tartarorum frequentia Itinera, vix aventuras prævideret, Tabellarium quendam, doli ac fraudis bene scientem, & liberandi ex interceptu Scythico securum; literis quasi à Campiduce, Radzivilio, aliisque Regni Primoribus, auxiliares Legiones ferendarum suppetiarum denuntiantibus, infartum per abdita Viarum, quò à palabundis Scytharum interciperetur, proficisci & evagari jussum subornavit, illoque in manus hostium per fugam concedente, & ad SERASKIERUM Turcarum deducto, infractæ rei momentum profuit; referatis quippe literis, HANUS Crymmensis ei collocutus; si in præsentiarum foedera Pacis omitteret, in ea posthac exercitu aucto, nequaquam descensurum REGEM ominaretur. Hoc itaque motivo, itum est ab utrinque in negotia Pacis, quibus ex Voto sancitis, Turcæ ad propria digressi; Ablegatum confirmandi ex mente tractatus, ANDREAM MODRZEVIUM, Legionis Polonæ Colonellum Constantinopoli habuere.

Reddita postliminio Poloniæ tranquillitate, quâ integro sexennio delibuta fuisse videbatur; Orbis Christiani Prædo, Regnorumque insatiabilis

Vora-



Vorago, Turcarum potentia, in nova denuò repullulavit capita, quibus decutiendis, alter POLONIÆ HERCULES post quantulumcunque respirium objiceretur. Porro non sibi; sed communi Christianitatis bono genitum dixisses; qui non tantum nativæ Poloniæ vitam, verum alienam etiam in sinum tutelæ accepit Salutem. OTTHOMANUS namque percussio cum Polonis fædere, armisque in Moschum obversis, Urbem Czechrianam, in Ukraina, firmo præsidio ad omnes casus infestam, validoque Exercitu Moschorum ad propugnandum submisso securam, grandi Apparatu bellico aggressus, & in acie prælio Victor extitit, & Urbe potitus superbè ac fastuosè moliminis sui intento ad Votum succedente gloriabatur; in tantumque intumuerat, ut majori pro anno subsequente per Provincias ditionesque suas intonante Classico, paratuque indicto in HUNGARIAM, ac demum in AUSTRIAM arma promoveret: quibus pro tunc in Polonia ad Zorawno retundendis, quamvis JOANNES Noster, Principum Christianorum vicina exambiret subsidia, nemo Vires, nemo Opem contulerat. Spargebantur interea ferales ex AUSTRIA, ingenti Turcarum Scytharumque multitudine inundata, rumores, Tartaris Crimænsibus suo cum Regulo, igne, ferro, Civitatum populorumque excidio, plebis numerosæ in servitutem abactione, quaqua versum AUSTRIACAS Ditiones populantibus. Cumque Reges ac Principes DOMUI AUSTRIACÆ Cognationibus



& Affinitate, innexi, in ejusmodi incendii quantocyus restinguendi, Bellicque propulsandi societatem vocati subsidia tarda, partim appromitterent, partim Confiniorum propria defensione Vicinorumque suspecta Pace impedirentur; solis IMPERII Viribus collectis, Principibusque Sacri Romani Imperii ac Electoribus obnunciatis, in POLONUM vicinitatis & amicitiae cum DOMO AUSTRIACA tenacissimum atque Otthomannicae Potentiae nativum Hostem, obversi oculi, qui in proeliarem arenam, contra immanem illam Orientis Procellam pro gloria Crucis, totiusque Christianitatis praesidio, cataphractis passibus ire, Viresque suas multa Armorum conjunctione innectere non omisit. Sacrum igitur promovente foedus INNOCENTIO UNDECIMO, Pontifice Maximo, quo Poloni Germanorum Viribus conjungerentur, adnitente, in Comitibus Regni Generalibus, suos per Legatos, magnanimo & piissimo Occidentis Imperatore, LEOPOLDO, JOANNE Rege sancienda ex Voto totius Romani Imperii colligationi efficacem apponente Manum, Duces bello strenue obeundo adsciti, STANISLAUS JABLONOVIUS, Russiae, & NICOLAUS SIENIAVIUS, Volhinae Palatini, ille Suprema, hic Campestri clava à JOANNE decorati; devotum, pro salute & integritate Christiana, REGEM extra fines Regni bellico insequabantur Comitatu. Qui priusquam moveret, Divae Virgini Matri, Poloniae Tutelatrici, in Claro monte Czestochoviensi, pia Vota  
pro



pro felici successu appenderat, ubi effusis conscientiae noxis, pane Eucharistico refectus, gladioq; ex Archivo illius Cænobii sibi oblato armatus, iter arripuit Tarnovicios versus, quo REGINA FILIIQUE pro tunc minorennes, ALEXANDER & CONSTANTINUS ipsum comitabantur, unde reditu Cracoviam facto, toto planè trimestri, sacris Precibus enlargiendisque in pauperes Eleemosynis aliisque piis operibus pro fausto Belli eventu REGINA vacavit. Commovendæ ad fortia agenda Virtuti; quamvis innata alacritas non deesset, JACOBO, Poloniarum Principi, à Serenissimo CAROLO SECUNDO, Hispaniarum ac Indiarum Rege Maximo, priusquam se cum GENITORE suo, Viennensi accingeret Expeditioni, offertur ultrò Privilegium ad Ordinem Equitum Aurei Velleris, quo Duces ac Principes, Reges ac Imperatores, Domui Austriacæ propensi, innectuntur, suscipiendum. Quod ubi per Pientissimum LEOPOLDUM Imperatorem pro tunc transmissum est; demum post peractam feliciter Provinciam in Austria; dum Sponsæ suæ, Serenissimæ HEDVIGI ELISABETHÆ, Principi Neuburgicæ, obviam ad Regni Polonici confinia progrediretur, ipsum VELLUS AUREUM, per CAROLUM, Comitem de Walszteyn, Supremum Aulæ Cæsareæ Camerarium, in Civitate Képno, solenni investitura redditum fuerat. Ibat ergo trajecto superatoque ad Tulnam cum Exercitu suo, Danubio, intrepido pede in montana JOANNES, Primogenito Filio, JACOBO, magnæ spei Principe, & ad



prima belli Tyrocinia vocato Juvene comitatus. Animabat ingentes ausus fortissimi Ducis strenuique militis præfaga boni Ominis, & futuri eventus Ales fortuito apparens, signaque Castrensia prætervolans Aquila, quæ à Nikielsburgo, Exercitum Polonorum comitata, diebus aliquot integris jam principia Castrorum anteibat, jam mediis intervolutans Legionibus, ac si REGEM indigitare complectique vellet, jam extremas cohortes subsequens, mirum in modum suo usque ad ripas Danubii applaudebat volitatu. Quo cessante postmodum Species Columbæ in aere visa, Marco Aviano, Ordinis Capucinorum Religioso, sanctimoniâ Vitæ & pietate eximio, qui indubiam ex hac præfigurata cœlesti Alite spondens Victoriâ. Fortunatus hic trames per Alpes Noricas erat. Ipsi namque gibbosi Carpathii montes, elevatori dorso Christianam extulerant Militiam, ut velociori, ex illorum propendenti supercilio, in Hostem procurreret ac inveheretur impetu. Adfuere quoque Sacri Romani Imperii Exercitus, prudentia, & animosa pietate magnanimi Imperatoris LEOPOLDI, pro communi defensione evocati, viris, equis armisque instructissimi. Adfuere in Personis, Serenissimi, MAXIMILIANUS EMANUEL, Bavarix, & JOHANNES GEORGIUS TERTIUS, Saxonix Electores, copiis militaribus metuendi, ex quibus ad statariam pugnam ignitas Acies, ad equestrem, fulminatrices Legiones vidisses. Aderat & Serenissimus CAROLUS, Lotharin-



ringiæ Princeps, exercitus Cæsariani Ductor, tantum Regimen, Martialibus factis, à primo Orbis Europæi Capite promeritus, reliqui quoque Imperii Principes, ad perennem posteritatem memorandi, Heroicam non subtraxerunt Alacritatem, qua in acie constituta, dum VIENNA Austriæ, hostili circumvallata cuneo, reboantium ictibus tormentorum peteretur, jamque per Janizeros Turcicos Moenium suffossione, actisque ad ipsas Urbis portas cuniculis pressa, extremam Impressionem, exindeque Ruinam & ultimum præstolaretur Excidium. Præsto cum Exercitu adest POLONUS HEROS, qui Supremo in consociatas Colligatorum Ducum ac Principum Vires Regimine perfunctus, contra infesta Turcarum Agmina, intrepide aciem promovet, primis Polonorum ante alios proelium capeffentibus, quos Subsidiariæ Imperii Legiones, partim juvarent, partim à tergo & lateribus tutarentur. Colluctatis demùm à mane usque ad vesperam, Dies Dominicus, mensis Septembris duodecimus erat; utrisque inter se Exercitibus & ad invicem sese propulsantibus ad magnanimum cataphractæ Legionis ALEXANDRI, Regii Poloniae Principis, insultum & infractum robur, vertit terga barbarus, quem puidisse non debuit ab Heroe Sarmatico vinci, à quo partæ feliciter Victoriæ Labarum Otthomannica Luna insignitum, statim ex illa cruenta Acie INNOCENTIO XI. Pontifici Maximo in Sedem Vaticanam ad perennem memoriam transmissum est.



Turcis ad latus Danubii dispositis, pone fylvas  
denſi Tartarorum Ordines & manipuli, ad partem  
dextram conſtiterant, in quos ſuis cum Legioni-  
bus Regni Poloniae Exercituum Duces, JABLONO-  
VIUS & SIENIAVIUS primi invec̃ti, perruptis-  
que ipſorum cuneis, viam vincendi reliquis pate-  
fecere. Urgebat veloci impetu pudor & metus,  
diſſipatum Hoſtem; in quem hinc triariae Polo-  
norum cohortes effuſis invehebantur Equis: inde  
Statarius Germanorum ignis, necdum totaliter  
extinctos ſuffocabat Spiritus; diſparuit monſtro-  
ſum illud Caſtrorum Portentum, evanuit campis  
Barbarus, proſtigatae phalanges, quae ſibi ex de-  
bellata Auſtria, imò tota Chriſtianitate, ingentes  
ominabantur Triumphos. Itum eſt per ipſorum  
caſtra, ferro ad uſque Solis occaſum infugitivos  
ſæviente, & niſi ſuperventus noctis terga proſtiga-  
torum oculis eripuiffet; ne reliquiae quidem ſu-  
pereffent. Attonitus & clade ſuorum imminutus,  
ſimul cum HANO Crimmenſi, fugiebat VEZYRUS,  
qui trecentis Turcarum Scytharumque millibus  
formidabilis, toto triennali paratu fabricatis & ad  
VIENNAM aegrè præ magnitudine conductis tor-  
mentis, Chriſtianas explodere parabat vires: at  
ſuis ipſe ingemuit Fatis, Exercitusque numeroſi  
multitudine diſperſa, fugitivorum ſubſecuta Cæde,  
Tormentis eodem in loco ad VIENNAM relictis,  
Janizarisque in ſinuoso cuniculorum anfractu in-  
terneſione deletis, amplam ſui Prædam, opulen-  
tasque Manubias Victori Exercitui reliquit. In-  
gens



gens profecto Victoria; pietate LEOPOLDI Imperatoris Augustissimi, magnanimitate JOANNIS TERTII, Regis Poloniarum Fortunatissimi, dexteritate Serenissimorum Sacri Romani Imperii ELECTORUM, cæterorumque Ducum ac Principum laudabili Fortitudine, & concursu JACOBI, Regii Poloniæ Principis, tanquam sui Patris succolanei eximiâ Virtute, ac Christianorum Exercituum, militiæque Poloniæ strenuitate parata, suum cuique Decus & Gloriam in posteritate rependet. Occubuere inter præcipuos ex Polonis, STANISLAUS POTOCCIUS, Haliciensis Præfectus, magnæ spei Juvenis, cataphractæ cohortis Antesignanus, JOSEPHI POTOCKI, Palatini Kijoviensis Frater, Filius verò ANDRÆ POTOCKI, Castellani Cracoviensis, cujus fidei & dexteritati Vicarium Regni Regimen, quo ad securitatem finium, Rex commiserat, dum in id belli proficisceretur, magno Parentis dolore immaturam Filii indolem ad fortia agenda natam deplorantis.

Ergo fuso fugatoque Hoste VIENNA tandem feliciter liberata; quæ in penetralia sua postridie statim ingredientem JOANNEM & DEO Liberatori, Ambrosianum Hymnum decantantem inter millena Vota & plausus Universi populi, Salvatorem suum dixit, vocavit, salutavit. Ipse piissimus Cæsar, LEOPOLDUS, in amplexum tanti HEROIS, Lyntzio per Danubium defluus, & REGEM PATREM, & FILIUM ejus PRINCIPEM JACOBUM in hac pugna strenuum Bellato-



rem, vidit, laudavit, suspexit. Alternavit interea  
sequior Fortuna, vices secutæ sunt mutabiles, &  
non nihil inversæ post magnam Triumphī solenni-  
tatem Feriæ. Dumque ad Parkanum POLONUS  
continuandis ex Turca instaret Victoriis, ac pro-  
pter remissioſiorem Exercitus sui Disciplinam, seu  
verius, Licentiam militarem, ut est insolens & Ho-  
stium contemptrix Victoria, nec tempeſtively con-  
ſtitutos militiæ lentius procedentis Ordines; at-  
tentaret pugnam, desperata Turcarum undique  
ex præſidiis Hungaricis collectorum inundatione  
perculſus, curſum Fortunæ suæ ſiſti poſſe videbat,  
ni redeunte in præcordia POLONORUM Virtute,  
majorique ex lapſu animo, quam pullatam ſub Jo-  
ve induerat Veſtem, ſub Saturno, ſanguinea ex  
clade Turcarum decoraretur Purpura. Repreſſus  
enim à Turcis Polonorum Exercitus, cuius exigua  
manus, ad obſervandos hoſtiles conatus, ſub Re-  
gimine STEPHANI Bidzinski, Caſtrorum Præſe-  
cti fuerat præmiſſa, & dum REX ſubſequere-  
tur, ſuppeties laturus, jam illa manu ſubmota &  
ferociente hoſtili potentia, amiſſoque STANISLAO  
DENHOFFIO, Palatino Marieburgenſe, ob grave-  
dinem corporis in illo conflictu ſuccumbente; Vi-  
ro, quâ generis claritudine in Regno Poloniæ pro-  
pagata, quâ civili Prudentia, rerumque gerenda-  
rum præſtantia, & innata ſubeundis pro Pa-  
tria periculis Animofitate dexterrimo; retroceſſit.  
Hunc unum glorioſis illius Triumphis Fortuna im-  
miſcuit caſum, quo ad altiora aſcenderetur tro-  
phæa.



phæa. Rependit abunde triduana expectatio unius Horæ jacturam, & quod sinistra Hosti dedit, dextera eripuit. Furebat nuperrimo efferata sanguine Barbaries, quasi jam Christianas devoratura Legiones, sed obturata sunt ferocium ora, forbuit hanc relictam ex Clade VIENNENSI eluviem Danubius. Namque ad triginta millia conglobatus hostis, stataria pugna decertare ad Parkanum cum Nostratibus non destitit, donec fusus fugatusque, & rupto ponte, Danubio immerfus, sanguinariam sui Cladem Colligato & Victori exercitui relinqueret. Capti sunt illorum BASSÆ, Agriæ & Silistriæ Præfecti, à Polonis, & LEOPOLI in Russia per aliquot annos detenti, donec lytro apud JABLONOVIVM, Supremum Regni Exercituum Ducem, exsolverentur.

Binis jam Aciebus prostratam Barbariem, amplius in campum prodire pudit, quæ succisis attenuatisque Viribus; sola tantum Urbium propugnacula infederat, & insequentis Autumnii tempestatibus, & locorum munitionibus secura, quasi hoc capistro, reliquas REGNI HUNGARICI ditiones, in sua possessione retentura; Ast non evitavit Victoriosum Martem. Ordinatus enim à JOANNE, Primogenitus Regius Princeps, JACOBUS, post captum Strigonium ad Sicinum vi expugnandum, dum quassandis demoliendisque mœnibus, militarem admovet Manum; solo Nominis terrore perculsi Barbari; fideique ac clementiæ ejus indubii, post modicam quantum licuit



renitentiam, ultro se Vitam Libertatemque abundi pacti dedidere, & Victoris amplexi pedes, graviolem Fortunam non conquesti, reliquis quoque Fortalitiis, ad similem præiverunt mansuetudinem. Lithuanus interea Exercitus, ad ulteriores belli progressus, sese accingens, ac reservatus, jam post binas triumphales Palmas, Viennensem scilicet & Granensem in Hungaria comparuerat, lectis Viris, Armisque instructissimus, qui insequendis Turcarum Scytharumque per Hungariam reliquiis ordinatus, ad ipsas usque Brumæ rigentis ferias, sub Dio constiterat, donec tranquillatâ ad tempus Regni illius securitate, Finibusque circum circa propugnatis & defensis, ne pacificatis Imperii Romani Ditionibus, victrice ferro gravis esset, in Patriam suam, ad continuanda cum Barbaris bella, armaque illorum distrahenda recessit.

Reducem ex Bello ad VIENNAM in Austria Turcico, Victorem R E G E M, Filiumque JACOBUM, REGINA Consors, & MATER cum ALEXANDRO & CONSTANTINO Filiis atque TERESSIA CUNEGUNDE, Filia, adhuc tum minorennibus Regiis Principibus Cracoviæ; DOROTHEA verò DANILOWICIA, Ordinis S. Benedicti in Conventu Leopoliensi Abbatissa, Regis Amita, quæ diebus felicissimi Regiminis, suo ex Sorore Nepoti sæpius animitusque benedicere sueta; tum CATHARINA Radzivilia, germana, Soror DOMINICI in Ostrog & Zaslav Ducis, Palatini Cracoviensis primo Voto; ex quo ALEXANDER in virili



li ætate mortuus, & THEOPHILA prius DEMETRIO in Zbaraz & Wisniowiec, Duci Castellano Cracoviensi, Supremoque Regni Exercituum Præfecto elocata, cum illoque sterilis, demum JOSEPHO, Comiti in Wisnicz & JAROSLAW LUBOMIRSCIO, Sacri Romani Imperii Principi, Regni Curia Mareschalco nupta, ex quo ALEXANDER Palatinus Sendomiriensis Præfectus, ac TERESSIA, CAROLO, Principi Palatino Rheni; MARIA verò Duci SANGUSZKO, Magni Ducatus Lithuaniae Mareschalco, sociatæ prodierunt. Secundo verò Voto MICHAELIS in Olyka & Neswiesz Ducis Radzivili, Magni Ducatus Lithuaniae Procellarii, & Exercituum Generalis Conjunx; ex quo GEORGIUS, Magni Ducatus Lithuaniae Pocillator, cum PRINCIPE ANHALTINA Dessavienfi, conjunctus, brevique superstes, & CAROLUS, Magni Ducatus Lithuaniae Supremus Cancellarius, cum Ducissa SANGUSZKOWNA copulatus, proleque numerosa auctus, nati sunt; progenitorum fœcunda MATER, Regionum verò Principum AMITA, in Russia Leopoli, & Zolkievæ, inter felices plausus, & Vota sublimia salutavêre; qui per principales Regni Basilicas, gratiarum Actione Vindicatori DEO persolvi injuncta; respiro sibi, legionibusque per stativa hyberna distributis concessio, iterum sequentibus Annis ad continuandum cum Turcis Tartarisque Bellum, armaque eorum per Conjunctionem Principum Christianorum distrahenda, animum adjecit, quâ in-



vicem coadunati, formidabilem hanc Orbi Europæo Orientis potentiam, suis quisque in Finibus ac limitibus attererent, minuerentque.

Prima Venetiarum Respublica in hoc Sacrum Fœdus Nomine dato, Magnos quoque pro tunc Moschoviæ Duces, PETRUM, JOANNEM Alexiejowicios, Imperii paterni hæredes simul & Successores inclinaverat, ut exemplo suo Sacram hanc ambirent Colligationem, quæ & si non modico Reipublicæ Polonæ, avulsarum Provinciarum dispendio constitit, tamen ad propagandam Salutiferæ Crucis Gloriam, Nominisque Christiani augmentum & Famam multum contulisse videbatur. Præivit ergò huic Sacro fœderi JOANNES motis in Poloniam ad Zwanecum Copiis, & dum Exercitus Turcarum, meditamenta Belli in Hungariam contra Imperatorem LEOPOLDUM attentaret, Ipse partim Otthomannicas, partim Tartaricas illa expeditione distinuit vires, fortique in Confiniis resistentia, ne quo intenderant, perrexissent, non modò cohibuit; sed etiam victricibus repressit Aquilis. Subsequentibus annis, bello non cessante, Duces suos, STANISLAUM JABLONOVIVM, Russiæ Terrarum Palatinum, post Castellatum, Cracoviensem Supremum Copiarum Ducem; & ANDREAM, primò Kijoviensem, deinde Siradinensem Palatinum, demum Castellatum Cracoviensem, nec non FELICEM, Palatinum Cracoviensem, Potoccios Fratres, inter se germanos Campiduces ex Regno; ex Lithuania verò

CASI-



CASIMIRUM SAPIEHAM, Vilnensem Palatinum,  
& Supremum illius Ducatus Exercituum, ac JOSEPHUM SLUSZKA, Castellatum Vilnensem, sub alternum Præfectos, ad sistendum hoc sanguinis Christiani diluvium, distrahendamque Barbarorum Potentiam, ne tota mole, unicuiquam Imperio ingrueret, cautus, & sagax palmarisque PRINCEPS ordinaverat, qui ad Bukovinam, deinde ad Camenecum Podoliæ, memorando Exemplo, gravem illam Procellam fortissimè abegerunt, repres-  
fisque aliquot Vicibus, Scytharum numerosissimis Catervis, quæ sæpius in nova recrudescebant agmina, Vicinis ad similia heroica facinora præludebant. Hinc Moschi Turcas ad Azoviam aggressi, toto planè triennio cum illis conflictati, Provinciam amplam, cum Urbibus ac Territoriis, finitimisque Ditionibus feliciter in suam rehabuerunt potestatem. Applaudente prosperis eventibus fortuna magnanimo Imperatori LEOPOLDO per Hungariam ubique Victori, & interceptarum Urbium ac Provinciarum in illo Regno, glorioso Vindicatori, non defuit à latere proprio JOANNES. Collecto quippe instructissimo Exercitu Crimæ, (antiquis Taurica Chersonesus) expugnandæ potiundæque, & ultra Danubium Pontumque Euxinum abigentis Scytharum Hordis intentus, in Persona sua, Campos illos vastissimos, ac desertissimos Budziacenses, qui Tuguriis mapalibusque Tartarorum insidebant, Victrici emensius studio, inhabitatos illos Tauricanorum nidos,



talionem pro incursionibus Podolicis reddens, Igne, Ferro, Excidiiis, Populorum abactione eradica-  
bat; Cofacis Zaporovienfibus jam fibi morigeris, Dominiumque fuum agnofcentibus, in ipfa ufque Tauricæ meditullia ad vaftandum populandumque Ferro Victrici immiffis. Et fi Moſchorum pro tunc vi Sacræ colligationis, altera ex parte urfiſſent Copiæ, tanquam proximiores Tauricæ, jam iſta generis humani Colluvies, fuis, orba fedibus, nomen tantum, & memoriam fui; illis in locis Poſteritati reliquiſſet. Nihilominus Valachiæ Principatu JOANNES potitus; Provinciam olim Regibus Poloniæ, Anteceſſoribus fuis, jam Feudalem ac Tributariam, jam Jure Clientelæ poſſeſſam; à Turcarum potentia, in Chriſtianam aſſeruerat Libertatem, plurimisque Fortalitiorum, à Barbaro vindicatis, utpotè Jaſſiis, Sede Ducali, Soroca, Soczavia, Niamcio, Dragomirná, Campelongo, & Chriſtianæ poſſeſſioni reſtitutis, Præſidiis Polonicis firmaverat, non fine ſingulari Numinum Providentiâ illis apertis Limitibus, Viam quandoque trans Danubium, & ultra Mare Euxinum, Fortitudini Orthodoxæ & Concordiæ Principum patefacturam. Felicitate Armorum, ac Victorioſi Principis gloriâ illeſti Moldaviæ, Daciæ, reliquarumque quondam Chriſtianarum Provinciarum Dynaſtæ; ultro ſe in Clientelam Patrociniumque Regium dedere feſtinabant, Jugum ſervitutemque Otthomannicam à cervicibus, hoc Bellatore amolituræ, niſi infeſta  
he-



heroicis Virtutibus, successibusque fortunatis, minus propitia invidissent Fata.

Post felicem in Austria Viennensem Expeditionem, individuus PATERNO lateri, omnibus in Castris toto fermè Decennio continuatis aderat COMES primogenitus, JACOBUS, Filius, Regius Princeps, eximia ad fortia Indole & spectata ubique Martiali Virtute animosissimus, rerumque militarium non mediocriter peritus; dumque Frater illius ALEXANDER, Regius Princeps, immatura tum Juventa decorus, uni tantùm PATERNÆ Expeditioni in Valachia interfuisset: Ipse ut Natus Major, dignos futuro Leone explorabat unguis; & commissâ sibi ad invadendum rehabendumque Podoliæ CAMENECUM, à Patre Laboribus bellicis, ac Valetudine fessò, Curâ ac fortunæ alea; ut REGIO sanguine dignum erat, gnaviter viriliterque demandata aggressus Provinciam, communicato cum belli Ducibus Consilio, quod sub illius Tentoriis cudebatur, à Supremoque, egregii ac magnanimi Principis dependebat Arbitrio, Urbem illam, naturâ loci suapte munitissimam, ac planè inexpugnabilem, Obsidio vallatam, quâ tormentorum reboantium fragore, quâ ignium missilium jactu, quâ fortissimis Virorum aggressionibus, & propugnaculis, cuniculorum ob petrosam situationem operâ impossibili, integro Autumno arietavit & presit, Scytharumque in Suppetias accurrentium, rejectis fugatisque Moliminibus, indubie ad dedendum adegisset, nisi



transfugiis ad hostem delatis, ulteriora Rei consummandæ Consilia fuissent detecta; cautiore ex præcustoditione Turca Polonis arcanum evulgatum indolentibus. Ne tamen Fortalitium illud securum fecisset Barbarum; erectis, ex mandato PATRIS; hinc & hinc binis Propugnaculis, utrisque uno tantum milliari ab Urbe distantibus, ac lectissimis cohortibus infestis, tamdiu sexennio ibidem continuato, pulsari, infestari, suppetias adventantes com meatumque inferre satagentes, reprimi & Annonâ excuti, Segetes omnemque Frugum alimoniam conculcari, penitusque anno quolibet, Equitum incurfu deteri adeo perurgebat, ut Turcæ continuas Velitationes, Famem & incommoda diurna nocturna que fastiditi, Petram scandali, CAMENECUM, & lapidem offensionis appellatum, omninò dedendum fore autumarent, quod & successivè evenit. His in Christianum populum, Regem PARENTEM, Remque publicam Polonam meritis claro & insigni PRINCIPI, dum ALEXANDER, CONSTANTINUS & THERESSIA, Regia magnæ Spei Soboles, sui verò Fratres, & Soror in Adolescentiam relicta Pubertate, emergunt, ne tanto PRINCIPE digna Stirps sterile subiret Sæculum, offertur in thori Vitæque Sociam Serenissima HEDVIGIS ELISABETHA AMALIA, præcipua & singularis ævi sui, quo ad Prudentiam, Pietatem & Verecundiam, Virtutumque omnigenarum decus, & augmentum Virago, Serenissimorum, PHILIPPI WILHELMI, Ele-



Electoris Palatini Rheni, ex Principibus Neoburgicis, & ELISABETHÆ AMALIÆ, de Domo Landgraviorum Hasfiæ Darmstadiensium, magnorum in Europa, quâ late patet, Nominum, dignissima Filia, cujus avitam Cognationem si per Orbem Christianum spectes; ipsa se utriusque generis Linea in propatulum effundit. Et quidem citra invidiam masculinæ Genes, primas partes occupat, Augustissima ELEONORA MAGDALENA TEREZIA, Augustissimi & Gloriosissimi quondam Divæ Memoræ, LEOPOLDI Primi, Romanorum Imperatoris felicissimi, Consors & Imperatrix magnanima, sæculi sui pietissima HEROIS, Ejus verò germana Soror, ac Magnorum in Orbe Europæo, JOSEPHI Primi, WILHELMINÆ AMALIÆ, Hannoveranæ Principissæ copulati, non ita pridem Vitâ gloriôsè perfuncti; tum CAROLI SEXTI, feliciter Regnantis, Hispaniarum & Indiarum Regis Catholici, omnigenarum Augustissimæ Stirpis suæ Virtutum compendio celeberrimi, ELISABETHÆ, Brunsvicensi Wolfenbutellianæ Blankenburgensi Principissæ sociati, ex qua desideratissima Domui Austriæ, Orbique Christiano proles Filius, LEOPOLDUS, publicæ Spei, Thronique Imperialis Successor in Bonum Universale, Populorumque solatium recens prodierat, Filiorum Imperatorum fecundissima Progenitrix, quæ multarum Matronarum celebritatem supergressa, Sanctimonia Vitæ, in egenosque profusa Liberalitate



ac Munificentia insignis, & Divas Sacris Virtutibus imitata Viragines, in Domum Austriacam clarissimam, omnigenarum coelitus Benedictionum ac fecunditatum seriem, non modo cum sanguine suo intulit; Verum etiam seræ Posteritatis Lineam decoravit. Altera, MARIANNA, CAROLI SECUNDI, de Austriacis Regis Hispaniarum ac Indiarum Catholici: Tertia, MARIA SOPHIA ELISABETH, PETRI Secundi, Regis Lusitaniæ: Quarta, DOROTHEA SOPHIA, Ducum Parmensium, primo, ODOARDI, dein FRANCISCI, Fratrum inter se Germanorum, Domus Farnesianæ Hæredum, Consortes: Quinta, LEOPOLDINA ELEONORA, immaturo fato extincta, quæ omnes Serenissimæ DOMUS NEOBURGICÆ Viragines, & ad invicem uterinæ Sorores immensam sui Æstimationem, tum Pietate, tum Prudentiâ, tum insigni Fæcunditate Orbi Universo repræsentant. Si virilem introspicias Sexum; post Maritum, & Filios binos, Occidentis Imperatores felicissimos, descendunt in paginam, JOANNES WILHELMUS, Elector Palatinus Rheni, è numero Viventium sublatus, WOLFGANGUS GEORGIUS, Episcopus Vratislaviensis, Sacro Ordine, & Vitâ gloriosè perfunctus: LUDOVICUS ANTONIUS, Magnus Ordinis Theutonici Magister, & Electoratus Moguntinensis Coadjutor, itidem fatis functus; CAROLUS PHILIPPUS, Princeps Palatinus Rheni superstes Elector, primo Voto, LUDOVICAM CAROLINAM, LUDOVICI, Principis Brandenburgici  
Vi-



57

Viduam derelictam, RADZIVILIAM Principem; secundo verò TERESSIAM Principem Lubomirsciam, JOANNIS TERTII, Regis Poloniae ex Sorore proneptem nactus: ALEXANDER SIGISMUNDUS, Augustæ Vindelicorum Episcopus: FRANCISCUS LUDOVICUS, Magnus Ordinis Theutonici Magister, & Electoratus Moguntinensis Coadjutor, Vratislaviensis, Wormaciensis Episcopus, Sacri Romani Imperii postulat-  
tus Elector, Archiepiscopus Trevirensis, & Supremus totius Silesiæ Gubernator: FRIDERICUS WILHELMUS, in aggressione Moguntinensi pilâ tormentaria enectus: Ad extremum PHILIPPUS WILHELMUS, Palatinus Rheni, Mariæ Annæ FRANCISCÆ, Saxo-Lauenburgicæ Ducissæ copulatus jam Vita perfunctus, germani & inter se, & Serenissimæ HEDVIGIS Fratres, omnes Principes Neoburgici, qua Electoratibus Sacri Romani Imperii, quâ Sacris Characteribus, mitrisque Ducalibus, quâ heroicis Virtutibus, & bellica Fortitudine præstantissimi, Dexteritatem, Prudentiam, cum innata Magnanimitate conjunctam; tanquam hereditaria suæ Domus inclytæ Decora, Orbi palam faciunt Christiano & Serenissimæ sororis suæ propaginem magnis augmentant Nominibus. Ex hujus itaque cum JACOBO, Regio Poloniae, & Magni Ducatus Lithuaniae Principe, maritali Connubio prodeunt: MARIA LEOPOLDINA immatura sublata morte: MARIA CASIMIRA: MARIA CHARLOTTA: tum JOANNES,



Filius, infantili extinctus fato, Unicum Regiæ  
Domus incrementum, & Spes Parentum maxima,  
ac MARIA CLEMENTINA, superstes, & MARIA  
MAGDALENA infans Viennæ in Austria nata &  
mortua, ibidemque in tumulo Imperatorio sepul-  
ta, Filiæ Gentis Polonæ Reginulæ, quarum in-  
genitas à Majoribus Virtutes & quasi compendia-  
ta qualitatū eximiarum Decora, egregii Princi-  
pes, non absque Veneratione ambient aliquando  
& in Socias Vitæ Thorique maritalis procabuntur.  
Priusquam verò elocationis earundem futuræ at-  
tingantur Initia, descendunt in Cognatam aream  
Serenissimi MAXIMILIANUS EMANUEL & CLE-  
MENS ANTONIUS, Archiepiscopus Colonienfis,  
Bojorum Duces, ac Sacri Imperii Romani Ele-  
ctores, Fratres inter se Germani. Qui multorum  
in Orbe Christiano, Ducum, Principum, Regum  
ac Imperatorum nexus consanguinitates, heroica-  
rumque Virtutum augmenta, in se velut concen-  
trata complexi, tanquam bini Europæ Atlantes  
eam validissimis fulciunt, ac succolant Humeris.  
Primus quippe cum TERESSIA CUNEGUNDE,  
JOANNIS TERTII, Magni Polonorum Re-  
gis Filia copulatus Concordique illius Conjugio,  
in quo Pietate orthodoxa; morum venusta Clari-  
tate, paternarum maternarumque imitatione Vir-  
tutum, verecundiæ insigni Exemplo, ac in Statu  
Electoralis attemperata modestia enituit emine-  
uitque, magnopere delectatus, nobilissimo Fætu,  
quinq(u)atrium Heroum, præter quaternam Sobol-  
lem



lem immaturo fato extinctam, nempe CAROLUM, primogenitum, hæreditarium Electoratûs Bavari- ci Principem, tum PHILIPPUM, demum FERDI- NANDUM, post CLEMENTEM ac deinde THEO- DORUM Filios; & ANNAM DOMINICAM Filiam, Bojorum Duces, Orbi Christiano prodidit, ma- gnorum Sobolem Regum, parituramque quando- que Reges. Offert se, & paginam subit CON- STANTINUS, Regius Poloniæ Princeps, magnæ Spes altera Domûs, vivâ Imagine Patris effigiatus nativaque Dexteritate præpollens, paternæ ma- gnanimittatis Imitator & Hæres, cujus congenitas à Natura, & Prædecessorum Sanguine Dotes, aliis suspicere, aliis mirari fas sit. Vultu amœnus, Ar- tium liberalium studiis, Linguarum exoticarum cul- turâ probè instructus, cuique obvio, Sermone co- mis. Martium Vigorem spirans, Affectus, & Cor- da Populorum in sui Amorem, Cultumque Her- culeâ quasi Catena rapiens, propenso in Polonam Gentem animo laudabilis, cæterisque Regiarum Qualitatum Ornamentis eximius, quidni aliud portendat, quam copiosum & vastum quendam rebus gerendis Spiritum, quo avita DOMUS HE- ROICÆ decora, non tantum assequi, sed rectefa- ctorum magnitudine prætergredi valeat, ipsius Naturæ impulsu Antenatorum suorum vestigiis in- stitutus. Hæc de illo Fiducia, hoc Omen.

Sed o Fortuna Viris invida fortibus! & faci- les dare summa Deos, eademque tueri difficiles! Dum primogenitus Regis JOANNIS Filius,



Domui inclytissimæ Neoburgicæ interfertus, subla-  
to per imaturam Mortem Virili Foetu orbus, fæmel-  
la tantum beatur Prole, dum Soror ejus, Serenissi-  
mo Electori Baviariæ conjuncta, utriusque Sexus de-  
cora inclarescit Propagine. Has inter stellas, in vi-  
ta sua coruscantes, splendidissimus Poli Poloni Phœ-  
bus, JOANNES TERTIUS, Gentis liberæ Rex  
consummatissimus inter meditata Pacis, Cum  
Porta Otthomannica fanciendæ, ad quam, vel ab  
ipsis hostibus stabiliendam fuerat invitatus, curis  
publicis, ac bellicis Laboribus lassus, non sine in-  
genti totius Christianitatis Dolore, Anno Domi-  
ni 1696. Villanoviæ ad Varsaviam mortali Vita de-  
stituitur, Conjugemque suam, non modo eximia  
fæcunditate per Orbem Christianum dilargita, ve-  
rùm etiam singulari in Divos per extructa cultui  
diurno nocturnoq; Sacratissimi Sacramenti Cœno-  
bia, & adjectas illis opulentas Foundationes pietate,  
in pauperes larga manu & erogatione, in rebus ge-  
rendis supra Sexum prudentia claram & insignem,  
in Polonam gentem materno planè affectu eviscera-  
tam magni moeroris anxiam, & impotem tolerandi  
cum Filiis, atque Filia, dulcique Nepotum jam viso-  
rum jam in ditionibus Europæis procreatorum serie,  
orbam ac Viduam relinquit. Cujus tantam æstima-  
tionem, ob ingenitas Virtutes illius, Magnus  
Galliarum & Navarræ Monarcha, LUDOVICUS  
DECIMUS QVARTUS habuit; ut  
publico suo Diplomate Regio, eam Filiam Galliæ  
promulgatam, recognoverit, recognoscique in  
per-



perpetuum voluerit. Multum illa arduis Reipublicæ Polonæ temporibus, suafu, consilio, dexteritate, profuit; cultuque & viva panis Eucharistici adoratione, totam planè inflammavit Poloniam, prout illius devotionis exempla, pluribus in locis etiamnum apparent. In Solatium pro tunc Orbitatis paternæ, Filiis defuncti Regis ALEXANDRO & CONSTANTINO, Romæ comorantibus, Potentissimus Galliarum & Navarræ Monarcha LUDOVICUS XIV. Ordinem Equitum Sancti Spiritus in Gallia; per Antonium Grimaldi, Principem Monæci, Oratorem suum publicum in Signum Regiæ, erga defunctum illorum Parentem, illorumque Personas benevolentia, transmiserat. Quem per ejusdem Legati Gallici solennem Investituram, gratissimo animi sensu, & condigna in Regem Christianissimum Veneratione susceperunt, non immemores, gloriosissimum quondam Parentem suum, ab eodem Rege similis Characteris dignatione, per Marchionem de Bethune, Legatum in Poloniam, investitum & insignitum fuisse.

Inter hæc REGINA, elapso tristis Interregni in Polonia tempore, subsecutoque civilis Discordiæ turbine, publica Diffidia pertæsa, vitæque quietioris cupida, fastiditis Civium Patriæ, malè pro tunc inter se cohærentium moliminibus, quo melius orbitati suæ, Domusque Regiæ securitati consuleret, Romam, cum MARIA CASIMIRA, JACOBI, Poloniæ Principis, Primogenita Filia,



sua verò dulcissima Nepte, ex turbido ac Domestici collisionibus involuto Regno perrexit, ibique ab INNOCENTIO EJUS NOMINIS DUODECIMO, Pontifice Maximo, Orbisque Christiani regimine Sanctissimo, non modo honorificè decenterque, inter Populi Romani plausus excepta; sed regaliter toto mansionis suæ tempore habita residuum annorum, quos post fata Regis Mariti ad quatuor lustra produxerat, transigere Sacris Divorum Apostolorum Liminibus, mirificâ pietate cultis & observatis, planè decreverat, & subsecuta INNOCENTII DUODECIMI morte, CLEMENTIS verò Undecimi in Sedem Vaticanam Successoris, regimine viso, ab eodem pari charitatis paternæ affectu, quo Magni Regis Conjugem, decoramque Propaginem illius deceret, cumulata interiorum æumnarum jam oblita fuisse videbatur. Et ecce, orbitatem suam fortiori, quam par erat, imò supra Sexum insigni tolerantiâ succollante recentia, eoque atrociora intervenerunt Fata. Dum enim in Gallias valetudinis curandæ causâ, natalis fiduciâ Soli, Blæsios Roma profecta esset, Neptemque suam suavissimam superius vocitatam ferret; ALEXANDER, Regius Poloniæ Princeps, Romæ remansit, ibique gravi morbo correptus, sollicita admodum Medicorum curâ, quam piissimus ipse Pontifex Juveni erigendo perurgebat, fatalem morbum deprimere non valente, ætatis suæ cursu post PARENTEM, Regem defunctum, ad annum decimum nonum tantum protracto, Mensis  
No-



Novembris die decimâ nonâ, anno verò decimo  
quarto, supra septingentesimum & millesimum, in-  
ter angorem Superstitis MATRIS, FRATRUMQUE  
mœrore contabescentium, ac suarum Filiarum do-  
lorem, singularemque Summi Pontificis compassio-  
nem extinguitur. Eximia planeque omnigena  
Naturæ & Juventutis decora, in Adolescentem  
concurrerant; Facies illi decora, Oculorum viva-  
citate conspicua, Paternoque in fronte, ignis qua-  
si prominentis indicio, notabilis, Corporis firma ro-  
bustaque compago, Linguarum scientiâ, Historia-  
rum monumentis, & singulari Eruditione excul-  
tus, Magnanimitatis cum modestia conjunctæ, ar-  
canoque intra mentis abdita obvelando Compos,  
alloquio gravis, Musarum præcipuus Cultor, cun-  
ctaque sciendi percupidus, Politia atque status  
Regnorum peritiâ ad stuporem fermè imbutus, ad  
fortia agenda animosus ac præcox, contra Scythas  
in Valachia ad Niamiec, primo Adolescentiæ flore,  
Legionum paternarum Ductor, & Legatus eos  
fortiter sustinuit ac repressit, & quem ipse Sum-  
mus Pontifex CLEMENS Undecimus, Communi  
totius Christianitatis bono progenitum, ac quan-  
doque profuturum prædicebat præsagiebatque.  
Unde tenerrimo Amoris impulsu commotus ac  
Regis Parentis, defunctiq; Principis meritorum æ-  
stimatione succensus, solenni pompa circa lugu-  
bres Exequias, MATRE sua in Galliis tunc com-  
morante, Corpus exsanguie, Sepulchro inferri tu-  
mularique præcepit, piissimis pro Anima defun-



Et i suffragiis per omnes Ecclesias indictis. Subse-  
quenti demum biennio non minus dolendum fu-  
nus evenit, ipsius REGINÆ MATRIS, quæ vel Fa-  
torum Iliadem clausura, vel mensuram frequentio-  
rum funerum Domus Regiæ impletura, Blæsiis,  
die Mensis Januarii trigesima, anno decimo sexto,  
supra millesimum & septingentesimum, è Vita  
discessit: cujus eximias Virtutes & præcipua in  
Rempubicam Polonam merita, anterior pagina  
recensuit.

Trinis, non sine dolore fidorum Reipublicæ  
Polonæ Civium, Funeribus, Regiam Domum lu-  
ctuosè afficientibus, visis ac deploratis; adæqua-  
tior digniorque Epilogus rei obvenire non potuit,  
congerie Laudum, Regia defuncti PRINCIPIS ge-  
sta coronante. Immorabar hucusque in exa-  
randis Illius bellicis Operibus, ad quæ subeun-  
da, priusquam toties accinctus fuisset; Adjuto-  
ri DEO, Basilicas, Coenobia, Xenodochia ex-  
truere, dotareque efficaci semper sponponderat  
Voto; prout Leopoli in Russia, Fratrum San-  
cti Joannis à DEO, & Monialium de Monte  
Carmelo: Zolkievæ, Ordinis Sancti Dominici  
Professarum Virginum: Varsoviæ in Masovia, Re-  
ligiosorum Capucinorum, quorum pietati sui Cor-  
poris exuvias dedit: Gedani, in Prussia, libero  
Catholicæ Religionis Exercitio fundatæ Capellæ;  
cæterisque in locis, tot Ordinum Religiosorum,  
Monialiumque, amplæ dotationes obloquuntur,  
nunc partæ, tot tantisque laboribus quietis, cul-  
to-



torem agam. Ipsa quidem quies SERENISSIMI REGIS laboriosissima fuit. Nunquam enim ita indulgit otio, ut nihil pro bono Patriæ ageret, imò tunc cùm quiescere & quasi nihil agere videbatur, plurimum pro salute Regni laborabat, interventuris quavis ex parte periculis, prius occurrens, antequam invocaretur, suavique & languido Regimine, ita se exhibens DOMINUM, & REGEM, ut PATER simul ex Paternæ sollicitudinis affectu nosceretur, suarum oblitus, semper Populorum studuit necessitati, Regales, quas alii amant, exosus delicias, subditis illas procurare non cessabat. Unde volupe est animis, illarum recordari felicitatum, quibus sub auspiciatissimo illius affluebamur Regimine. Nullam quidem ab hostibus habuimus Pacem; sed an Bellum gereretur, nesciebamus, Illo pro nobis Bella gerente. Dominabantur etiam sub fortunatissimo Illius Gubernio, quædam communis vitæ Calamitates, nemo tamen ærumnam & dolorem noverat, Ipso universos in sinum excipiente. Vitâ Ille suâ inter continuas mortes, cunctos vivere faciebat, suis Sudoribus Otium singulis comparabat, sua Vigilantiâ securitatem Populo, tolerantia molestiarum, liberos Subditis producebat dies. Unde quotquot à tot Sæculis Sarmatia in singulos Regnantes regiarum Dotum beata divisum Sorte spectavit, hoc universum in SERENISSIMUM JOANNEM TERTIUM, quasi in Compendium omnigenæ Virtutis munifica congeffit Dextera. Amor illius



in Patriam, quantus fuerit, ex arduis, quæ suscepit facile colligere est Negotiis. Suis infomniis dormire, Suis Casibus stare, Sua salute in mortes projecta, omnes vivere fecit. Illum Unum semper nostra exceperunt pericula; Ille meta vulnerum erat, quæ in nos plenis Thraciæ effundebantur pharetris. Idem Triarius, Idem Dux, Idem Imperator, Idem miles, ut illum non in REGEM tantum elegisse sibi viderentur Poloni; sed in Commilitonem, in Panopliam, in Murum, in Animam. Cum Diademate, quo illum Creatrix Regum coronavit CRACOVIA, statim Sollicitudinem de omnibus, Providentiam de singulis induit, primam Coronæ interserens Gemmam, Boni Publici rationem. Hinc ante liberatam à pressura Otthomannorum Austriam non prius in Succursum pergere voluit, donec oppignoratam, in Aula Imperatoria Sarmatici Regni in eligendo REGE, libertatem vindicaret. Invadiaverat illam incautus Prædecessor illius, JOHANNES CASIMIRUS Rex, pro subsidiis contra CAROLUM, Sueciæ Regem, Poloniæ Regno graviter tunc infestum, & inhiantem, ab Aula Imperiali datis & submissis, cum pactione angustiis rerum expressa, quod post fera & sterilia illius Fata, aut Austriacum; aut quem Austriaca proponeret Aula, Poloni essent electuri REGEM. Nimirum liberi alias DYNASTA Regni, non benè pretium libertatis noverat, dum illam pro subsidario contra Suecos implicuit ferro, dignius eandem appretiante  
JO.



JOANNE, qui pro rehabenda Animam ipsam  
exposuit, non alio præmio, quàm vindicata Liber-  
tate illectus; licet pro Domo Ejus amplæ & ma-  
gnificæ pro tunc offerrentur stipulationes. Porro  
cum Purpura PRINCEPS NOSTER, quandam pu-  
niendi verecundiam & ruborem induit. Hinc cle-  
mentissima illius Severitas, & severa Clementia  
amabili Discordia, & concordi antitheto omni-  
um captabant animos. Nunquam cum exoso Do-  
minatore doluit, quòd Literas didicerit, quia ma-  
nus ejus semper ignorarunt characteres, qui ali-  
cui Mortem, imo vitam exprimerent. Injurias  
Majestatis, quot dissimulaverit, quot condonave-  
rit, quot sciens nescierit, Syllabum sola Illius Cle-  
mentia tenet, imò non tenet, quia sub spongiam  
dedit. Nulli Illi gratiores, quam ingrati, nulli  
propius ad Cor & Affectus accedebant, quam  
qui longius distabant animo; nullæ Illi vices ju-  
cundiores, quàm odii non reddidisse vices. In  
nullum Capitis sententia lata, nullus graphio Cæ-  
saris punctus, in nullum sævitum, etiam extor-  
quentem, nullius bona sub hastam venere vel fi-  
sco addicta, quamvis mererentur. Præventi gra-  
tia, qui de venia solliciti erant, donati ære & be-  
neficiis, quos poena exagitabat. In Auge consti-  
tutus, cum ubique gloriosè fecisset omnia, illud  
addidit prodigiosè, quòd abundantissima felicitate  
parcissimè uteretur. Non erexerunt Illum in  
Fastum tot Scythicis cadaveribus surgentes à ter-  
ra tumuli, licet astris dominaretur Thrëiciis. Nec

Ee

Ho-



Hostem tantum in campo, sed ipsam Victoriā  
vicit in animo, idem Triumphator, & triumphatus: ibi Fortitudine, hic Modestiā, quando expressa triumphorum suorum simulacra, non in regali Aula; sed in Domo Domini, cujus Dexteræ adscribebat Victórias, voluit asservari. Pendent in Ecclesia Zolkiewiensi, Chocimensis, Viennensis, Parkanensis triumphi Signa. In quibus non superbum illud: veni, vidi, vici; verum deprompta è sacris paginis, Divinam exprimentia Potentiam appinxit Symbola. Profectò qui hunc Monarcham vidit, non est quid amplius miretur. Vidit enim Potentiam Augusti, Felicitatem Cæsaris, Justitiam Trajani, Affabilitatem Titi, Magnitudinem Constantini, Pietatem Gratiani, Sapientiam Theodosii, quorum ita Unus omnia expressit Decora, ut vel in ipso revixisse, vel ex illius virtutum prototypo electi ad Orbis Imperium viderentur. Æstimavit Regales has illius Virtutes, ter tiaratum Ecclesiæ Caput, INNOCENTIUS XI. suspexit non minus artium bellicarum Peritiam, quàm in arduis perficiendis rebus Prudentiam. Quare arduum illud inter Imperium & Galliam pacis componendæ negotium, cum nullum tanto parem vidisset oneri, JOANNI Nostro commisit. Et peregisset certè sacrum Pacis opus, nisi invida tantæ Virtuti & Gloriæ Mors, dies vitæ abbreviaffet. Suspexit & ipse Hostis tantarum in illo virtutum Majestatem. Unde assiduis licet assuetus bellis, facile tamen interpositioni SE-  
RE-



RENISSIMI assensit REGIS, de perpetua inter Nos & universam Christianitatem pace concludenda, eo nimirum intuitu, ut quem foederatæ contra se Christianitatis Motorem Authoremque intelligeret, eundem pacificando Bello primum experiretur Cooperatorem. Atque utinam non invidissent fata, non tam illi, quàm nobis vitæ ipsius cursum, firmiori forsan Gradu res nostræ stetissent. Debuerat sanè hic PRINCEPS nunquam mori, cujus Vita, tantam Sarmatiæ Regno attulit Gloriam, Mors tantum Felicitatis detraxit. Stante Illius Vita stetit Regni nostri inconcussa Fortitudo & Integritas, quam Ipse Orthodoxa Pietate, cultusque Divini propagatione ita suffulciebat, ut in Russia Græci Schismatis, cum Romana Ecclesia uniendi, maximam sibi partem vendicaret: dumque per sui Regni ditiones Sedis Apostolicæ obedientia in Schismate nosceretur, eidem penitus restabiliendæ immortuus est. Fuit tamen & ipse Finis Vitæ illius beatus. Nam celeberrimo totius Christianitatis Festo, videlicet die SACRATISSIMÆ TRIADIS cultui consecrata, quâ Regno Poloniæ gubernando electus & admotus fuerat, ultimam Vitæ Suæ imposuit Periodum. Nec id absque Supremi Numinis arcano. Qui enim gloriosa & laudabili recte factorum magnitudine, Summos illos Macedonum Alexandros, Romanorum Pompejos, Juliosque æquaverat in Vita; etiam in Morte adæquaret. Et æquavit profectò Magnum illum in Solo Ausonio,



Augustum Cæsarem, de quo Chronographica testatur pagina; quod idem illi dies accepti quondam Imperii, qui & Vitæ supremus esset. Habitus & forma corporis Illius decentior & sublimior fuit, nihil in Vultu metus, gratia oris supererat. Frons Imperio digna, ignis quasi radiantis modico decorata signo, optimum PRINCIPEM facile prodidisset, magnum libenter. Et quanquam in spatio annorum sextæ Decadis ereptus est, quantum ad Gloriam, longissimum ævum perduxit. Quippe & vera bona, quæ in Virtutibus sita sunt, impleverat, & Mareschalcalibus, Imperatoriis, quoad bella; demùm & Regalibus ornamentis conspicuo, quid aliud adstruere Fortuna poterat? Quis fida lamenta Procerum, fletus sinceriorum Civium, vulgata Illius referat morte? Alii Regni animam, alii Libertatis defensorem, Commilitonem alii, alii optimum Ducem, multi Patrem Patriæ, se amisisse effusis deplorabant lachrymis. Tunc primo hostes sensisse cœpimus, dum esse desiit, quantaque nos Calamitatum impugnatura erant Agmina, non vano formidabamus omine, quando Illum, qui æumnas nostras, suas facere consueverat, per invidiam Fatorum perdidimus. Præviderunt hos adhuc ante sæculum, Regni nostri infaustiores eventus SERENISSIMI REGIS primores, in quorum sepulchralibus hucusque legere est Marmoribus, depromptum è Canticò Judith vaticinium: Væ genti, insurgenti super genus meum. Dominus enim Omnipotens  
vin-



vindicabit in eis. Laborabat non ita pridem vera  
Polonorum Pietas, ut ossa cineresque JOANNIS  
CASIMIRI, Poloniæ Regis, demùm per sponta-  
neam voluntariamque Regni liberi Abdicationem  
exauthorati, in Regno Galliarum demortui; Re-  
gum Polonorum sepulchris Cracoviam inferret,  
quo studio, fidem, ac in Regem defunctum non  
emortuam propensionem suam testaretur. Idem  
amor, eademque pietas, & NOSTRUM PRINCI-  
PEM defunctum intuetur ac spectat, qui cùm ne-  
mini Regum Polonorum Amplitudine rerum ge-  
starum cessisset, monumento tamen PATRUM  
PATRIÆ nondum illatus est. Quidquid ergo in  
illo amavimus, quidquid mirati sumus, manet,  
mansurumque est in Animis Hominum, Æterni-  
tate temporum, Fama rerum. Nam multos vel-  
ut inglorios oblivio obruet: JOANNES SO-  
BIESCIUS Posteritati narratus,  
& traditus superstes  
erit.



SERIES  
MONARCHARUM POLONIÆ,  
EX QVA  
ORTUS ET PRINCIPIUM DOMUS SERENISSIMÆ  
JANINÆ, NUNC REGALIS PATRONY-  
MICE SOBIESCIANÆ  
VOCITATÆ.



LECHUS Primus, Regni seu Ducatus Polonici Conditor, circa annum ante Christum natum 470. Monarchiæ præfuit.

VISSIMIRUS ejus Nepos, (nam de Filiis memoria non extat) post ipsum successit.

Tandem duodecim PALATINI prima vice. Postea GRACCHUS, seu CRACUS Princeps.

LECHUS Secundus, Filius CRACI Secundo-genitus.

Demum VANDA, Filia Craci.

Iterum duodecim PALATINI.

PRÆMYSLAUS seu LESCO primus. Post hunc

LESCUS secundus, ad Originem Lechi primi collateraliter spectans. Deinde Filius ejus

LESCO Tertius viginti quatuor Filiorum Parens, ex quibus SOBIESLAUS, Bohemorum Dux factus Author & Origo Familiæ; Dux Limburgicus, cum Olympia Bojorum Ducis Filia, ARTEMIUM procreavit, qui cum LUDGAR-



GARDA Thuringiæ Comite, OTTHONEM  
sterilem, & SOBIESSIUM seu SOBIESLA-  
UM Fratres germanos; ex quibus

SOBIESLAUS cum Methodia Lesconis  
quarti Ducis Poloniæ Filia

SVETOSLAUM Christi fide donatum, qui  
ex ZEMISLAVA Ducis Masoviæ Filia,

JANNEM à breviori Statura Janik dictum, cui  
BOLESLAUS CHROBRI, Poloniæ Rex,  
Scutum pro Insigni JANINA dictum detulit.

JOANNES seu JANIK ex MARGA-  
RETHA de Fürztemberg, Comite Stetinenfi,

JOANNEM quoque Filium, Comitem in Bia-  
lutowice progenuit, qui cum HEDVIGE Hol-  
sztynenfi Comite, Regis Daniæ Cognata,

ANDREAM, JACOBUM & PETRUM  
Janinos Fratres; ex quibus ANDREAS cum  
Anna Granowska Russiæ Palatinide,

SOBIESLAUM & GEORGIUM Fra-  
tres. Ex quibus

GEORGIUS cum ALEXANDRA Ole-  
snicka sterilis.

SOBIESLAUS verò à quo nidus, & voca-  
bulum possessionum in Palatinatu Lublinenfi, So-  
bieszyn, SOBIESKA Wola, aliarumque ditio-  
num, cum CATHARINA de Tenczyn Comi-  
te Palatinide Cracoviensi

ALEXANDRUM Vitoslaum, CONSTAN-  
TINUM & ADALBERTUM, Fratres inter  
se germanos procreavit, ex quibus



ALEXANDER cum CONSTANTIA  
Zebrzydowska Castellanide Cracoviensi,  
NICOLAUM & VITUM Filios, utros-  
que steriliter decessos.

CONSTANTINUS verò ALEXANDRI  
Frater, & SOBIESLAI Tertiogenitus, cum  
Theodora in Zbaraz Ducissa

JOANNEM quoque Filium, qui ob appari-  
tionem S. Michaelis Archangeli LESCONI Ni-  
gro Poloniæ Regi, cum coelesti clypeo, Scutum  
Janineæ Domus alia jam delineatione ex umbone  
coelesti facta, gestare coepit; REGE injungen-  
te, cum cujus germana Sorore, THEODORA  
VISSIMIRIA copulatus,

BERNARDUM Filium progenuit, qui cum  
THEOPHILA Tarlowna Palatinide Sendomi-  
riensi

PETRUM, ALEXIUM, JACOBUM,  
STANISLAUM & VENCESLAUM Fra-  
tres, ex quibus

PETRUS Comitem de BNIN Opalińska  
Palatinidem Posnaniensem.

ALEXIUS, ANASTASIAM de Granow  
Sieniawska Castellanidem Leopoliensem.

JACOBUS, TERESSIONEM Comitissam de  
Herburth Capitaneidem Cracoviensem.

STANISLAUS, ALEXANDRAM Czarn-  
kowska Palatinidem Lanciciensem.

VENCESLAUS MARGARETHAM  
Odrowaziam Russiæ Palatinidem Uxores ha-  
bue-



buere; Ipsisque ac prole, eorumq; Uxoribus decessis.

STANISLAUS solus cum ALEXANDRA Czarnkowska, Palatinide Lanciciensi,

MARTIANUM & DEMETRIUM Fratres procreavit, ex quibus

DEMETRIUS, cum SOPHIA Sidonia, Ducissa in Ostrog, CONSTANTINUM Filium:

MARTIANUS verò cum EUDOXIA Koniecpolska, Palatinide Braclaviensi, VINCEN- TIUM Filium sterilem:

CONSTANTINUS, Demetrii Filius, cum JO- ANNA Tarnowska, Capitaneide Cracoviensi,

PROCOPIUM Filium, qui cum FEBRO- NIA, Petri Sanguszko Lubatowicz, Ducis Koszy- rienfis, Filia;

SEBASTIANUM, qui primus, patronymico vocabulo SOBIESKI appellari voluit. Hic cum CÆCILIA Landzkoronska, Palatinide Podoliae,

MARCUM, Lublinensem Palatinum, qui cum HEDVIGE Snopkowska, Præmysliensi Ca- stellanide; primo Voto

JACOBUM, Castellanum Cracoviensem, Fi- lium, Filias verò EUGENIAM, LUDOVICO GONZAGÆ Marchioni in Pinczow Myfzkow- ski Cracoviensi,

SOPHIAM, CAROLO Czarnkovvski, Poznaniensi,

TERESSIAM, JACOBO Radziejovvski Lanciciensi

ANNAM, NICOLAO Wodynski, Podla- chiae Palatinis,



JULIANAM, JACOBO Wieſiolovvski,  
Magni Ducatus Lithuaniae Mareſchalco, elocatas,

MARIANAM, Ordinis S. Brigittae in Con-  
ventu Grodnenſi Abbatiffam; Secundo verò Vo-  
to, cum Comitiffa de Tenczyn,

JOANNEM Filium, & HELENAM Fi-  
liam, immaturo extinctos fato, procreavit.

JACOBUS ſolus, cum MARCIANA, Du-  
cis in Zbaraz & Wiſniovviec HIEREMLÆ Ko-  
rybuth, Ruſſiae Terrarum Palatini Filia, primo Vo-  
to filias duas, immatura morte ſublatas, progenuit;  
Secundo verò cum THEOPHILA Daniłovvi-  
cia, Palatinide Ruſſiae, Magni Zolkievii Nepte;

MARCUM, à Scythis in Ukraina ad Batovo  
interemptum,

JOANNEM TERTIUM, Poloniae Regem  
Feliciffimum,

SOPHIAM, Infantili morte ſublatam,

CATHARINAM, prius DOMINICO Du-  
ci in Zaſław & Oſtrog, Palatino Cracoviienſi nu-  
ptam; deinde MICHAELI Principi in Ołyka  
& Nieſwicz Radzivilio, Magni Ducatus Lithuaniae  
Procancellario & Campiduci elocatam,

ANNAM, Ordinis S. Benedicti in Conventu  
Leopoliienſi Profeſſam Virginem, in ætate juvenili  
mortuam,

STANISLAUM & NICOLAUM, mor-  
te infantili ſublatoſ, procreavit. Ex quibus

JOANNES REX, cum MARIA CA-  
SIMIRA, Marchioniffa de Arquian de la Gran-

ge:



ge: JACOBUM, novem Filias infanti morte sublatas, ALEXANDRUM, CONSTANTINUM, THERESSIAM CUNEGUNDEM Filiam, & JOANNEM, in triennio Vitæ extinctum, progenit.

Quorum primogenitus JACOBUS, cum HEDVIGE ELISABETHA AMALIA, trium Nominum, Neoburgica Principissa, MARIAM LEOPOLDINAM, immaturâ morte sublatam:

MARIAM CASIMIRAM secundogenitam: JOANNEM Filium infanti extinctumfato:

MARIAM CHARLOTTAM quartogenitam: MARIAM CLEMENTINAM superstites, & MARIAM MAGDALENAM infanti fato abreptam protulit.

ALEXANDER, in ipso ætatis flore, anno 1714. die 16. Novembris Romæ extinctus:

CONSTANTINUS superstes:

CUNEGUNDIS verò Filia, Serenissimo Principi, MAXIMILIANO EMANUELI, Electori Baviaræ copulata; ex qua præter quaternam prolem immature decessam,

CAROLUS, hæreditarius Electoratus Bavarici Princeps,

PHILIPPUS secundogenitus, FERDINANDUS tertio, CLEMENS quarto, THEODORUS quinto, geniti Filii, ac Filia,

ANNA DOMINICA, Soror, Fratresque inter se germani, Bojorum Duces, magnæ Spei eviruit propago.



SERIES  
GENEALOGIÆ SERENISSIMÆ MARIÆ CA-  
SIMIRÆ, POLONIARUM REGINÆ, SERENIS-  
SIMI JOANNIS TERTII, REGIS PO-  
LONIARUM, CONSORTIS.

**H**UGO CAPETUS, Galliarum Rex, quo  
ad Virilem à PIPINO, quo ad Fæmellam  
a CLODOVÆO, primo Catholico,  
Galliarum Regibus, non interrupta serie descen-  
dens, duxit in Conjugium Adelhaidem, Ducissam  
Pictaviensem, ex qua

ROBERTUS FILIUS, Sanctus & Prudens,  
qui CONSTANTIAM, Blancam dictam, WIL-  
HELMI, Comitis de Arles & Provinciæ, Filiam in  
Consortem nactus, HENRICUM Filium susce-  
pit, qui

JAROSLAI ANNÆ, vel JURISCLODI,  
Regis Russiæ Filiae copulatus, PHILIPPUM  
Primum procreavit, qui

BERTHAM, Florentis Hollandiæ Comitis  
Filiam, in Uxorem nactus, LUDOVICUM SEX-  
TUM Grossum seu Crassum, nuncupatum, prodi-  
dit: ex quo cum Adelhaide HUMBERTI Mo-  
riennæ & Sabaudia Comitis, Filia, LUDOVICUS  
SEPTIMUS, Pius appellatus, progenitus est, qui  
ducta in Consortium Vitæ Thorique ALICE  
THEOBALDI, Magni Campaniæ Blæsiæ &  
Carnutensis, Filia, PHILIPPUM Augustum e-  
dedit, ex quo cum ISABELLA, Hannoviæ Du-  
cissa, LUDOVICUS OCTAVUS, qui cum Blanca  
Regni Castellæ Filia copulatus, LU-



LUDOVICUM NONUM, dictum Sanctum, Orbi Christiano progenuit, Ipse demum MARGARETHÆ, Provinciæ Comitissæ, seu Ducissæ conjunctus PHILIPPUM, Audacem, Regem Galliarum progenuit, qui cum ISABELLA, Regni Arragoniæ Filia, CAROLUM, Franciæ Principem, Comitem Valesium; & hic cum MACHTILDE, Sancti Pauli in Britannia Armorica Principissa, ISABELLAM Valesiam, & PETRUM Nomine Ducem Borbonium, suscepit. Ex quo, cum CATHARINA Borbonia conjuncto, JOANNES Tertius, Comes Harcurianus processit; Ipseque MARGARETHÆ Harcurianæ associatus, JOANNEM in Des Touthville Dominum, & ROBERTUM in Des Ansuboje itidem Dominum procreavit.

Hic ROBERTUS ex MARIA de Sainte Beufue; CATHARINAM de Touthville; & CAROLUM Santmauræum de Nesle suscepit, qui cum Antonia Santmauræa copulatus, ex hoc Conubio FRANCISCUM BARATHONIUM, Brossium, & alterum itidem FRANCISCUM Brossium, Fratres inter se germanos edidit. Ex quibus

Junior natus, cum BARBARA de MORNAY, Domina des Acher, suscepit JOANNEM PRIMUM de la Grange, cujus dein cum CATHARINA de Montespèdon Matrimonio progenitus est, JOANNES SECUNDUS de la Grange, qui ducta in Conjugem MARGARITHA



THA de Pomoy Filium habuit GABRIE-  
LEM de la Grange, Is postea è Conjugio CA-  
THARINÆ de Guiverlay, Pater fuit JOAN-  
NIS TERTII de la Grange, Domini de la Re-  
culée, Superioris & Inferioris Fovillay d'Chaumoy  
de Vefure, & des Barres, Locum tenentis Artille-  
riæ. Hoc Patre, & Matre HELENA de la Ri-  
viere editus est GODEFRIDUS de la Gran-  
ge, Dominus de Montigni de Arquian. Hic adjun-  
cta sibi Thori Socia JOANNA de Guitois pro-  
creavit FRANCISCUM GRANGESIUM,  
feu de la Grange, Dominum de Montigni & de  
Angillon. Hic in Aula HENRICI TERTII,  
Regis Galliarum, educatus, quo se tanta stirpe cre-  
atum monstraret, primo Equitum Centurio; dein  
primus Dapifer, ac post Gubernator de Beri,  
Bloa, Dunoa, Vandomi, tandem levioris armatu-  
ræ Campi Magister, ac Magnus Artilleriæ Præses,  
& Parisiensis Gubernator, à Rege destinatus, ob-  
latis sibi Officiis, ac muniis egregie respondit, &  
cum GABRIELA de Crevant, Claudiani  
Domini, de Boues, inclyta Filia, CAROLUM  
GRANGESIUM, Dominum de Montigni  
& de Arquian procreavit, qui Regii Ordinis  
Eques factus, Gubernatorem Charitatis, & Du-  
cis de Luxemburg cohortium Præfectum, eximie  
sustinens, LUDOVICAM, Guilhelmi Hæredis,  
de Jarts cher Filiam de Rosievert, & de Botau,  
Dominam, Consortem primo Voto, altero verò  
ANNAM Brilliantiam nactus, ex ea Antonium  
Gran-



Grangesium, Márchionem de Arquian, progeniit.  
Is Prior Capitaneus aut locum tenens Præfecturæ  
Excubiarum Regni Galliæ creatus, & Guberna-  
tor de Sancerre Calais, Metz & Gien, steriliter  
binis cum Consortibus vivens; ex ANNA, Ter-  
tii Voti, Dancienville Domina de Prie, HENRI-  
CUM Grangesium, Marchionem de Arquian,  
Comitem de Maligni suscepit, qui Ducis Aurelia-  
nensis unici Fratris, Regis Galliæ, Excubiarum  
Præfectum, & Campi Magistrum agens, cum  
FRANCISCA, Joannis Baptistæ Santronii  
Hæredis, de Brilbo Filia, felicissimo Connubio,  
LUDOVICUM, Comitem de Maligni, JO-  
ANNIS TERTII, Regis Poloniæ Excubia-  
rum Præfectum, LUDOVICAM MARIAM  
Grangesiam, Francisco de Bethunes Marchioni e-  
locatam; Tertio partu MARIAM CASI-  
MIRAM Grangesiam, Primo Voto JOANNI  
Zamoyscio, S.R.I. Principi, Palatino Sendomirien-  
si in Regno Poloniæ nuptam, ex quo prolem  
quaternam susceptam & morte infantili sublatam  
habuit; Secundo verò JOANNISOBIE-  
SCIO, pro tunc Regni Poloniæ Vexillifero;  
demum Supremo Campi ac ejusdem Regni Ma-  
reschalco, ac post REGI POLONIÆ ejus No-  
minis TERTIO copulatam; quarto nisu MA-  
RIAM ANNAM GRANGESIAM, JO-  
ANNI Wielopolscio Comiti Supremo Regni Po-  
loniæ Cancellariæ conjunctam: quinto Filium E-



quitem Melitensem factum; Regio lateri LUDOVICI XIV. Galliarum Regis, Trajectum ad Mosam fortiter oppugnantis, adstipulantem ibique pila tormentaria violenter enectum: Sexto & Septimo, BINAS VIRGINES, Ordinis Sancti Benedicti Moniales Professas, (quarum una Niverniæ, altera Burgesis mortuæ) progenuit. Fortunatus tanta prole Parens; utpote qui Ipsemet diuturniori beatus Vita, suavissimos sui Connubii, non sine intimo cordis Solatio, ac larga cœlestis benedictionis affluentia spectavit & suspexit fructus, ac tandem CARDINALITIA ab INNOCENTIO XII. Pontifice Maximo, decoratus Purpura; visa FILIA POLONIÆ REGINA, Nepotumque & Pronepotum ampla Serie, plenus dierum in Urbe Romana, Orbis Domina, in Pace quievit.

FINIS.









2

4



*Aut. Q*  
*Bibl. Wsl.*

*77*

Biblioteka Jagiellońska



std0026083



